

解州芮城縣志


芮城縣續志序

芮古魏地也俗敦儉樸猶有唐虞之遺風其在春秋為晉大夫畢萬之食邑考之萬為萬氏所從出余幸莅其地敢不思所以迪前光而為民利者乎下車後即求治芮之道竊以謂證古今考得失莫切於志志往事以為後事師治法於是乎在乃亟取舊志

觀之知自乾隆二十八年重修後咸豐間丁君雙橋續纂八十餘頁語焉不詳今又歷二十年其間丁賦羸絀文物盛衰又多闕矣使終任其缺畧求治者何考焉余方有志補輯適官保中丞舉修通志檄郡邑各修志乘余欣然奉命竊幸夙願克償乃與秦中張次雲先生同為編次凡五閱

月而告成上起乾隆二十九年期與
舊志相接續徵文考獻博採旁搜於
舊志所畧者補之未確者更正之至
於宦績人物列女為忠孝為貞烈核
實畧疑必輿論悉協然後增入固不
敢嚴而刻亦不敢寬而濫所望都人
士激勵觀摩欽往哲為儀型緬休風
於節儉立身千古而上勉為三代之

英他日下邑采風輶軒莅止俾南疆
下吏播俗美化行之譽無貽先世羞
斯鄙人之幸此邦之幸也而今日纂
輯之勞為不虛矣光緒六年歲次庚
辰季秋上澣知芮城縣事萬啟鈞平
軒氏謹序



芮城縣續志序

光緒己卯冬 伯中丞魯公以大祲
之後虫變滄桑穰郡邑各修續志以
存文獻甚盛舉也明年秋八月熊受
芮城聘補輯邑乘萬使君平軒惻然
告熊曰不才承乏下邑七載於茲矣
曩稽戶籍不下十萬丁有奇自遭旱
魃之虐老弱者死少壯北逃梟惡者

相殘食一二年間吾民存者不逮什
三孰非赤子顧生視莫之救也今昭
聖諸祀載余滋懼焉芮雖藁爾邑肯
中條面大河水盤鬱代產名賢其
小人勿穡服勤素稱殷富乃者編氓
日困矣田賦日虧矣村壘半為邱墟
學校幾於廢墜茲粟貴則禮義輕位
誦衰則文獻亦僅緬維古昔極盛莫

闢荒萊民不耕為市牛種士不墾為
捐俸延三師苟有河灘地無麥而納
賦民苦追呼久矣則請永蠲之有義
社倉貸者不能償民之逋逃眾矣則
請寬免之吾民何修所以沐

皇仁為獨早被膏澤為尤深也非吾父母
不及此由是觀王子大夫之為苗民
可謂至矣至於阨運難回則天也抑

又有說焉考舊志修於乾隆癸未歲
迄今百有年間不易民而治不易俗
而教然量短絜長猶有山川依舊文
物更新者何獨古今不相及耶吾聞
得失者政治之機也盛衰者運會之
際也有興有替比人事之變遷也無
往不復比天心之悔禍也使宰為世
皆以子大夫之心為心將見十年生

迨此皆鄙人不德使吾邑凋敝至是
千載下其有按籍訾余者乎先生何
以教我然對曰仁人哉子大夫之言
也夫春秋紀災不紀祥庶幾有位者
知所修省也之父母斯民者動輒委
之天災不問責之人事甚且粉飾以
欺後世則其志之不足傳信可知也
子大夫與言及是殆有維世殷憂耶

志其小焉者矣芮士之嘗為然言方
戎黃災之初成也 欽使瀾公 撫
院曾公連章入

告請帑銀撥漕米籌借賑需迫切如救水
火有司未喻德意類多瞻顧徬徨我
侯首放倉糧罷催科剋期開賑惟恐
失時用獲廣布憲恩拯災黎於垂斃
猶憲遺子者不能自謀也田不治為

聚則富庶可臻十年教訓則人文蔚
起釋回增美上復晉魏儉嗇之遺風
仰追商周仁讓之盛軌安見世運不
可復古人定不可勝天而子去矣今
日憂時之言固嚆矢也然不敏亦惟
秉筆直書焉已矣庸何傷使君憮然
思莞然笑欣然首肯也屬吾一二登
之志於是上起乾隆下逮今茲考實

存真無事徇隱尤於灾祲之際三致
意焉書既成遂敘其事之緣起有如此
光緒六年重陽後三日漢南張承熊
次雲氏謹識

芮城縣續志目錄

卷首

修志銜名

例言十則

卷一

星野

城池

壇廟

學校

田賦

芮城縣續志

卷首目錄

五

戶口

倉儲

卷二

職官

宦績

選舉

人物上

人物下

卷三

列女

古蹟

祥異

卷四

藝文上

藝文下

芮城縣續志

卷首 目錄

六

續修邑志銜名

總修

蘊衡在任候補知府遼州直隸州知州署解州直隸州事 馬丕瑤 河南安陽縣人

纂輯

同知銜調補夏縣署芮城縣知縣萬啟鈞 直隸遷安縣人

山西候補同知 張承熊 陝西平利縣人

同修

芮城縣教諭董 森 山西猗氏縣人

芮城縣訓導石向陽 山西平定州人

分修

芮城縣續志

卷首 銜名

七

揀選知縣甲辰科舉人張定基 邑人

同知銜候選直隸州州判恩貢生王振鐸

廩生王均

歸部選用儒學訓導廩生李生華

校錄

附 生董積瑄

附 生薛希仲

督刊

六品頂戴芮城縣典史朱 埏 浙江山陰縣人

採訪

增

貢

生郭獻珍

邑人

儘先選用州吏目增 生楊萬青

廩

生張拱

附

生張聯鼎

廩

生王佐

奎

文閣典籍 薛莊

廩

生王之櫪

附

生張煥離

六品頂戴按司照磨 劉蔭榕

例言 十則

一縣志創修於前明嘉靖之季隆萬間再修之 國朝康熙十有一年又重修之惜板片無存乾隆二十八年州牧言如泗通修解志各縣統於解州命曰全志芮城則邑令莫溥分任之咸豐間邑令丁樹勳續輯數十頁附各門後其時未經採訪故語焉不詳茲編上接言志起乾隆二十九年篇中凡稱舊志卽指乾隆志而言丁君所續概爲另纂不敢因陋就簡也

一續修與重修異重修可以自創體例爲一家言續

芮城縣續志

卷首 例言

九

修義取接續前志不得稍有歧異故體例一仍乎舊計舊志分二十二門如沿革疆域山川風俗之類今昔無殊無庸續輯如學校田賦戶口倉儲間有因革增損宦蹟人物列女藝文不無繼美前人至祥異關乎天人之應可爲修省之資如近世奇災前代罕見

朝廷厚澤曠古無倫尤宜詳述以惕末俗而誌

天恩故皆按類續纂書不厭詳此外加星野一門以補前志之缺

一賦役關係 國計民生最宜詳審正雜各款已詳

前志茲復挈明總數補入耗羨及現在運留數目以備考核未載荒地頃數停徵年限庶有司獲知荒後情形隨時留意焉又晉民苦差徭久矣舊制田賦外另有丁徭係按丁起賦卽古租庸調之遺法厥後歸丁於地已無丁徭欸目乃因驛路官吏往還有司苦於供應遂派民間攤出車馬草料錢文是謂差徭始不過量數支供日久弊生率藉端剝民中飽按畝苛歛往往過於正供農人終歲勤劬不足交官樂歲猶苦不支一遇荒災死亡載道近蒙 欽使閻公 伯中丞曾公剔除弊端 奏

請痛加裁減酌量地方繁簡明定章程較昔十減五六編氓共慶更生前纂夏縣平陸諸志皆於賦役門另列差徭一條歷叙始末俾守土者知差徭本非 功令省之又省庶無負二公救民之苦心茲查芮邑不通驛站向無差徭故不另列此條附記於此爲芮民幸正願後之宰芮者其勿作備焉可

一宦蹟不紀現任人物不紀現存凡叙事無論官紳概行書名雖顯秩不稱某公志例如是亦所以杜貢諛之漸

一職官宦蹟選舉人物列女凡在咸豐以前者曾經
丁君樹勳纂記茲於丁志詞意不順者間爲竄易
而事蹟率仍其舊咸豐後則由此次採訪公是公
非悉憑輿論不敢稍參臆見致貽表揚失實之譏
一人物收取稍寬蓋取善善從長之義鼓勵後賢至
節烈概由地方舉報凡前此有案可查及現今採
訪得實者靡不登載發潛閭幽甯濫無遺惟恐埋
沒真操致干鬼神怒譴也

一祥異於光緒丁丑戊寅大祲皆係耳聞目見故書
之特詳至嘉道間容有闕漏事遠年淹末由考核

間以傳聞登載一二亦所謂疑以傳疑識者諒之
一藝文義取有關地方者否則不應收入茲因篇帙
無多故採錄稍濫後之君子必有從而刪訂者
一此次修志奉文祇令續輯藉省剗之資故僅依
類補纂未敢妄事更張考康熙間邑令畢盛讚重
修一部體例簡嚴論述精覈實較言志擅長後有
作者重爲編輯繼康熙志而踵成之可期盡善盡
美爲必傳之作矣

一是編搜採事實深賴都人士分類草創聞見旣確
賢尹萬君編纂成帙旁稽博考煞費苦心以熊之

固陋謬參末議發凡起例必先質之萬君然後補其缺漏刪其繁蕪以期愜心貴當惟脫稿未及彌月率爾操觚乖謬在所不免所望踵事者重加釐正俾後人不以斯罪我也則幸甚

漢南張承熊謹識



芮城縣續志卷一

星野 補

天文參宿分野躔次入張一度

按星野之說起於周禮九州之分星至秦漢間失其傳後世志乘所列星圖占驗率多附會穿鑿乾隆志由州牧言如泗總修統四縣於解州故邑志不載考古者為之缺然茲考舊志補入僅載其躔度以存梗概不敢襲圖說陋習以明天道遠之義非脫略也

芮城縣續志

卷一

星野

一



城池

芮城城垣向係三廂四都分修咸豐九年邑宰丁樹勲續志云南城屬四都四都係五小里合爲二大里陽王鄭村蔡村爲三陽里宜村太安爲宜太里歷來義社常平等倉穀分存分領均照二大里各半分派有冊籍可查咸豐七年秋知縣丁樹勲邀集各里紳士興議重修旋以歲歉中止宜太里民欲照五里分攤以致涉訟樹勲細閱全卷於八年三月批陽鄭里劉若魁等呈詞嗣後修城仍照古規二大里各半分辨毋許紊越舊章紛紛狡展並爲立案以杜爭端云云考邑城自乾隆二十八年重修後迄今已歷百年丁前令之舉格而不行殊爲可惜茲當災旱頻年有志未逮則時和年豐民有餘力及時興修深有待於後之君子矣

壇廟

關聖廟

在城北門內歷次興修詳舊志嘉慶二十五年知縣林芬重修有碑記道光十四年知縣毛鳳儀重修有碑記二十四年增修香亭獻殿道院知縣張舒翰有碑記

城隍廟

在縣南門內歷次興修詳舊志道光九年知縣林芬重修有碑記咸豐元年知縣何玉端增修寢殿香亭邑拔貢張俊士記按城隍素稱顯應相傳每

芮城縣續志

卷一 壇廟

三

夜靜聞杖責聲至今凡捕緝者虔禱輒獲光緒五年夏亢旱彌月人心憂惶知縣萬啟鈞齋宿叩祈不崇朝大雨如注轉歉爲豐因稟請 會撫憲代奏

頒發合潤爲德匾額並

敕封靈顯城隍

龍王廟

在縣西門外明勅封豐節侯乾隆九年增修有碑記道光三年知縣林芬重修候選訓導鄭彥秀記

靈沛侯祠

在城西南延慶寺東祀李左車乾隆五十八年知縣孟傳輝重修有碑記

風雨廟

在縣東北八里高崗上自宋祥符六年修後失考嘉慶十五年知縣武告成重修有碑記咸豐八年知縣丁樹勳重修書院掌教賀寅炳記

劉猛將軍祠

在城隍廟東側咸豐七年奉文設位禱祀除蝗

大禹廟

在縣東南陌底渡明正統二年修後失考咸豐八

芮城縣續志

卷一 壇廟

四

年知縣丁樹勳重修有碑記

嶺上關聖廟

在條山橫嶺上明萬厯間知縣趙庭琰創建歷次興修詳舊志成豐六年重修邑紳王夢奎有碑記

學校

縣學歲科兩試各取進文生十二名歲試取進武生十二名餘詳舊志

西河書院舊有官地十一頃二十一畝零共收夏秋租小麥二十二石九斗九升大麥一斗五升穀十七石五斗四升五合銀七十一兩五錢八分載在舊志續入地一十八畝三分續添穀一斗曲裡租銀二十七兩四錢一釐舊有田糧三十二兩一錢六分現納糧四十一兩八錢六分四釐以上由縣署經理爲山長修脯卷價之需前後任歸入交代光

緒四五兩年租稞無出山長修膳銀一百六十兩及節敬卷價等項由知縣萬啟鈞捐墊道光二十三年知縣符壯圖勸捐銀三千餘兩發營生息以爲膏火資嗣因典肆多歇業置買陳家村地三頃四十畝封糧十九石零每年定活租一百石有奇光緒丁丑戊寅大祲佃戶逃亡膏火無出知縣萬啟鈞發銀招佃現定活租七十餘石又於光緒元年因案斷令姚月恒捐地三十四畝四分五釐封糧二石三斗六升四合三勺每年定活租三石零咸豐四年買李爾欽城內市房一座又典坊上村

馮文圃城內西街市房一座以上均歸紳士經理
又同治九年知縣鄭逢辛勸令行戶德陞和等十
四家共捐銀四百兩貢生任壽捐銀二百兩發當
一分五釐生息按季呈交以爲月課獎賞詳明本
道批示立案無許官紳挪用以期經久

寶興同治間知縣雲茂濟瓶辦勸集銀三千兩發當
一分一釐生息稟明 各憲立案專爲本邑鄉會
延試士子而設公私專概不準挪用以所入息銀
劃爲三股二股歸鄉試一股歸會試拔優貢廷試
及新捷者花紅之用以鄉會試年五月二十日帳

期由值理人專取印文發不得動本又實業地
九十餘畝所入地租除封糧敬 神外充值理幫
理人往來費用議定條規九則泐石書院其所以
嘉惠士林者洵非淺鮮矣

田賦

民田共熟地四千八百八十四頃九十三畝四分零
共征糧二萬六千四百八十一石二斗一升零共
征折色等銀三萬一百九十七兩三錢八分八釐
零乾隆元年攤入丁銀六千四百七十一兩七錢
六釐外加雜課項下額外商稅銀二十八兩一錢
二分八釐酒課銀三十四兩六錢匠價銀三十四
兩六錢五分棗株銀一兩九錢九分額外織造綾
絹加征工費銀一十六兩九錢三分一釐零以上
地丁雜課共額征銀三萬六千七百九十五兩三

芮城縣續志

卷一

田賦

七

錢九分四釐零

起運銀三萬五千四百九十九兩二錢二分五釐
存留銀一千二百九十六兩一錢六分九釐
額徵耗羨銀四千七百六十九兩四錢四分二釐內
起解銀三千七百七十九兩四錢四分二釐留支
養廉繁費銀九百九十兩

雜課

牙帖稅銀原額一十六兩四錢現在每年額征銀一
十五兩八錢
當稅銀原額一百三十兩現在每年額征銀一十五

兩

以上二項數與原額不符其餘田房頭畜二款
盈餘係活數詳舊志

額外黃河灘地二十五頃八十六畝四分零共徵本色穀二百六石九斗一升四合按此項灘地闖芮互爭滋訟多年康熙四十年經委員履勘斷歸芮民管業永息爭端本末俱詳舊志乃自黃河內徙胥爲水冲沙壓不堪耕種每歲賠納租穀民皆苦之光緒五年知縣萬啟鈞詳請彙 奏奉准永遠豁免

芮城縣續志

卷一 田賦

八

荒地

新荒無主地二十八頃八十六畝七分五釐通年應征地丁正項銀一百九十兩一錢八分四釐奉文自光緒五年上忙起停征四年

新荒有主地八百二十八頃二十一畝九分五釐通年應征地丁正項銀六千四百七十三兩八錢二分七釐奉文停征三年

以上荒地皆由光緒三年後連歲大稔流亡過半以致地畝荒蕪正賦虧缺六千有奇光緒五年知縣萬啟鈞履畝查勘分別造報稟請緩征

發銀開墾凡無主荒地每畝給銀四錢招佃耕
種有主者查明確係無力墾荒每畝亦酌給墾
資銀二錢各具領狀存案現已漸次墾闢三四
年後可復正供原額矣

戶口

本城四百三十九戶一千九百八十名口

三廂四十四村共一千二百六十四戶四千五百九十八名口

頭都七十村共三千五百三十一萬五千八百七十六名口

二都六十二村共三千三百三十二戶一萬四千六百九十八名口

三都六十村共二千八百七十三戶一萬二千五百九十七名口

芮城縣續志

卷一 戶口

十

四都三十四村共二千七十二戶六千二百八十五名口

以上共一萬三千四百八十三戶五萬六千三百十四名口承平既久生齒日繁光緒三年編查

民籍蓋二萬六千四百四十二戶六千一百

九十一丁自光緒三年夏麥歉收五月至十二月不雨四年無麥迭蒙上台發倉撥帑並東蘇

各漕米陸續賑濟無如災區既廣爲期亦長嗷

鴻遍野博濟爲難一二年間戶口蕭條竟至斯

極噫可慨也

倉儲

常平額穀舊存一萬四千八百四十三石零乾隆末
實存一萬四千石嘉慶十年借支兵糧未還穀七
百八十四石二升九合一勺光緒三年春年饑各
村民領借二千九百二石四斗秋七月開賑陸續
動用四千五百五十二石九斗四升五合節年支
給孤貧並軍流犯口糧動穀四千八百九十八石
五斗八升七合三勺各前任虧短未經補還穀九
百十八石五斗三升四合五年奉文以大祲之後
戶口流亡所有民借倉穀業經 奏請蠲免並撥
年豐穀賤卽行舉辦

芮城縣續志

卷一

倉儲

十一

發帑銀九千六百兩檄飭買補銀兩現存州庫俟
社穀無定額乾隆二十八年存穀九百四十四石零
義穀無定額乾隆二十八年存穀一千九十八石零
按社義各倉向由民間自行經理光緒三年核算
社倉共存本息穀一千一百四十八石三斗一升
六合三勺義倉共存本息穀一千四百三十三石
五斗是年亢旱成災由各董事分別極次貧儘數
借散五年歲稍豐稔然欠戶逃亡過半其僅存者
瘡痍未復無力償還知縣萬啟鈞籲懇蒙 俯撫憲

曾 奏請豁免遺子共戴

天恩惟義社倉未便終廢現將賑濟餘糧一十九萬六千五十五斛按一百四十三斛折倉斗一石共折一千三百七十一石二升交各都賑局分給上中各戶領借計三廂賑局共領漕米合倉石一百五十八石五斗八升三合玉穀合倉石二十七石七斗九合八勺頭都賑局共領漕米合倉石五百四十七石六斗五升四勺二都賑局共領漕米合倉石二百七十一石九斗二升六合六勺三都賑局共領漕米合倉石一百五十三石七斗六升五合

芮城縣續志

卷一 倉儲

十二

六勺玉穀合倉石二十九石八斗九升五合一勺四都賑局共領漕米合倉石一百一十石五斗五升九合四勺玉穀合倉石七十石九斗三升一勺各具領狀存案責成公正紳耆妥爲照料不假吏胥之手俟年豐穀賤按原領糧色分別取償五股撥勻立義社倉以備旱潦倘管理得人更積累而擴充之並立良法以期經久無弊是在後賢

芮城縣續志卷二

職官

知縣

洪世佺

福建南安縣人丁丑進士乾隆三十一年任詳宦績

王用明

山東博平縣人乙酉舉人乾隆三十六年任

胡有聲

江西萬安縣人庚午舉人乾隆四十八年任

謝鍾鼎

雲南昆明縣人丙午舉人乾隆四十九年任

孟傳輝

河南睢州廩貢生乾隆五十三年任詳宦績

李承塏

廣西博白縣增生乾隆五十八年任

朱慶頤

浙江錢塘縣人丁酉舉人己酉進士嘉慶元年任

芮城縣續志

卷二 職官

林英

福建閩縣人丙午舉人嘉慶五年任詳宦績

陳球

安徽六安州人甲寅舉人嘉慶十年任

武告成

直隸遷安縣人壬子舉人嘉慶十四年任詳宦績

林芬

順天大興縣人壬子舉人嘉慶十九年任詳宦績

賈獻珍

江西高安縣人辛巳舉人道光六年署任

劉功福

福建侯官縣人癸酉舉人道光九年署任

彭光澤

四川大邑縣人庚午舉人道光九年任

毛鳳儀

貴州貴筑縣人壬午進士道光十年任

李春和

直隸天津人丙子舉人道光十一年署任

唐廷詔

陝西三水縣人壬午進士道光十二年任

李士式

陝西朝邑縣人丙子舉人道光十四年署

曾文炯

浙江會稽縣人戊寅舉人道光十六年署

徐大勳

順天大興縣人供事道光十八年署任

王晉介

山東福山縣人戊寅舉人道光十九年任

符壯圖

直隸饒陽縣人癸酉拔貢生道光二十年

劉敘

江西南豐縣人戊子舉人道光二十三年

張舒翰

江西永豐縣人辛酉舉人翰林散館道

藍辰

湖南長沙縣監生道光二十六年署任

何玉端

直隸饒陽縣人甲辰進士道光二十七年

杜秉忠

四川仁壽縣辛卯舉人道光十九年年署

芮城縣續志

卷二 職官

二

劉銘

四川涪州壬辰舉人咸豐元年署任

曹光訓

直隸東安縣人已酉拔貢咸豐三年署任

應學塗

江西宜黃縣人甲辰進士咸豐五年任

阮棻

安徽懷甯縣丙午舉人咸豐五年署任詳

錢濟元

雲南昆明縣人丁酉舉人咸豐六年署任

丁樹勳

浙江長興縣甲午舉人歷署文水河曲長

袁績震

江蘇陽湖縣順天甲辰舉人咸豐九年任

王槐

直隸天津縣優貢同治元年署任

樊瑜

湖北咸甯縣監生同治二年任

鄭逢辛 浙江山陰縣監生同治四年署任

廖文 正黃旗滿洲恩敏佐領下人癸丑進士同治四年署任

楊豐紳 順天大興縣人壬子進士同治四年任

王希濂 鑲黃旗漢軍人已酉拔貢同治五年任

金文沂 江蘇吳縣附生同治四年署任

鄭逢辛 同治七年任詳宦續

萬世清 湖北黃岡縣人監生同治九年署任

雲茂濟 廣東文昌縣人癸亥進士由翰林散館同治十一年任詳宦續

蕭樹藩 貴州遵義縣人辛未進士同治十二年署任

王協一 陝西同州府朝邑縣人附貢同治十二年任

芮城縣續志

卷二 職官

三

萬啟鈞 字平軒直隸遷安縣監生同治十二年由

廣魁 字卓菴正藍旗滿洲德樂肯佐領下文生員光緒七年任詳宦知府用在任候補同知直隸州

典史

吳逢禧

順天大興縣人吏員祖籍安徽桐城乾隆三十二年任

姚存仁

順天大興縣監生祖籍浙江山陰縣乾隆三十八年任

周世瑞

順天宛平縣監生祖籍浙江山陰縣乾隆四十六年任

劉 暄

直隸定州監生乾隆四十八年任

范 琳

順天大興縣人吏員祖籍浙江山陰乾隆五十四年任

楊大忠

河南孟津縣人吏員乾隆六十年任

汪立本

順天大興縣監生祖籍安徽嘉慶十一年任

黃景疇

順天大興縣監生道光五年任

羅福河

江西建昌縣人翰林院供事咸豐七年任

芮城縣續志

卷二 職官

四

王 澈

安徽銅陵縣監生同治十一年署任

胡伯虎

河南洛陽縣監生同治十一年署任

吳桂炳

江蘇江甯縣監生同治十二年署任

左 誠

安徽桐城縣監生同治十二年任

顏祖樾

順天大興縣監生光緒二年署任

朱 垣

字厚菴浙江山陰縣監生光緒四年現任

陌底渡巡檢

周廷伊 河南商城縣監生乾隆四十一年任

胡樊咸 福建永定縣監生乾隆四十二年任

高 洞 浙江會稽縣人吏員乾隆四十三年任

乾隆五十八年奉文裁此員缺

教諭

竇汝寅 沁水縣歲貢乾隆三十七年任

張東瑞 汾陽縣廩貢乾隆四十六年任

許瑞林 平定州舉人乾隆五十二年任

張九謙 臨縣廩貢嘉慶三年任

武性善 太原縣舉人嘉慶三年任詳宦績

吳鎮藩 徐溝縣副貢嘉慶十三年任

焦久照 忻州廩貢道光元年任

劉戡守 徐溝縣拔貢道光二年任

季彭瑞 陽曲縣廩貢道光十八年任

芮城縣續志

卷二 職官

六

茹麗植 介休縣附貢道光二十六年任

李郁 左雲縣廩貢咸豐十一年署任

魏高陽 武鄉縣舉人同治元年任

白秉璜 太谷縣舉人同治元年署任

牛步霄 長子縣舉人同治五年署任

張彩 孝義縣廩貢同治五年任

閻夢蘭 孝義縣廩貢同治七年任

武光前 祁縣附貢同治八年署任

董晉康 萬泉縣舉人同治九年署任

董 焱 字巨川猗氏縣增貢同治九年補現任

訓導

成正心 太谷縣舉人乾隆三十一年任

薄克慎 定襄縣歲貢乾隆三十六年任

崔心顏 永甯州廩貢乾隆四十一年任

張永灝 朔州歲貢乾隆四十五年任

張毓豐 榆次縣舉人乾隆五十一年任

郭景德 山陰縣舉人乾隆五十三年任

曹鍾麟 蒲縣歲貢乾隆五十九年任

張純基 翼城縣舉人嘉慶八年任

楊增業 徐溝縣廩貢嘉慶十六年任

芮城縣續志

卷二 職官

七

郭之翰 忻州歲貢嘉慶十七年任

張士浚 孝義縣廩貢嘉慶二十三年任

李功敏 靈邱縣廩貢道光二年任

崔曾晉 永濟縣拔貢道光七年任

陳梅鼎 靈石縣舉人道光十七年任

郭麟光 猗氏縣廩貢道光二十三年任

冀兆晉 平遙縣歲貢道光二十八年任

趙端 聞喜縣舉人咸豐三年任

崔凌漢 長子縣舉人咸豐四年署任

楊春芳 聞喜縣舉人咸豐五年任

李澍人 平定州舉人同治元年署任

侯玉麟 絳州舉人同治二年署任

武善長 陽曲縣舉人同治二年任

喬世英 陽曲縣副貢光緒二年署任

劉子秀 猗氏縣舉人光緒三年任

石向陽 字葵午平定州舉人光緒五年補現任

駐防蒲州協外委把總

姚 璵 乾隆三十六年任

何廷貴 永濟人嘉慶元年任

李永安 永濟人道光五年任

楊大有 永濟人道光二十五年任

張扶清 襄陵人道光二十六年任

王元貴 臨汾人道光二十九年任

薛大祥 永濟人咸豐九年署任

潘廷梁 字輔臣臨汾人同治十二年補現任

宦績

莫溥直隸開州舉人爲人淹通明斷乾隆二十四年知縣事教養有法崇學校興書院修城垣志書爲政務持大體治績卓然臨行士民攀送如失茲母

王執信平定州舉人乾隆二十七年教諭品優學遂多士景從增修學宮續纂邑志其功尤多

白光珩渾源州歲貢乾隆十四年訓導道義律身眞誠課士以老歸諸生攀送有輿誦詩勒石存明倫

堂壁間

芮城縣續志

卷二 宦績

十

洪世佺福建南安縣進士乾隆三十一年知縣博學善書課士治民一以先正爲法邑人頌之

孟傳輝河南睢州廩貢生乾隆五十三年知縣沉默有爲士民畏服邑中多所營建措置得宜重修書院庭斷灘地千餘畝充公增膏火政績著聞

林英福建閩縣舉人嘉慶五年知縣以學行著敦崇節孝維持風化政治一新

武告成直隸遷安縣舉人嘉慶十四年知縣爲政慈祥歲旱禱雨輒應重新風雨廟民常懷之

林芬順天大興縣舉人嘉慶十九年知縣政尙簡

易喜嘯咏在任十五年修建諸壇廟煥然一新多
士景從民亦戴德

唐廷詔陝西三水縣進士道光十二年知縣才優學
富經濟裕如蒞任未久士民稱之

曾文炯浙江會稽縣舉人道光十六年署知縣治尚
嚴明衡文尤稱得士一經首選卽脫穎而出有掄
元者後調任文水加知州升銜

王晉介山東福山縣舉人道光十九年知縣明幹勤
能值書院垂廢諭紳損貲興修親往督之規模粗
定卽延師主講在任一年士民深沐雅化

芮城縣續志

卷二 官績

十一

符壯圖直隸饒陽縣拔貢道光二十年知縣廉能清
正補葺廟宇接修書院落成以培多士邑人稱之
張舒翰江西永豐縣進士道光二十四年由庶吉士
改知縣補芮恤民禮士寒峻多被其澤值丙丁歲
荒災民漸肆掠嚴法懲治並籌辦賑濟民賴以安
何玉端直隸饒陽縣進士道光二十七年知縣勤政
恤民修學宮縣署經畫周詳民無所擾咸豐三年
調介休任

阮 棻安徽懷甯縣舉人咸豐五年署知縣操守嚴
明遇事廣詢博採務持其平邑人折服

丁樹勳浙江長興縣舉人咸豐七年知縣廉正有爲聽斷明決勤考課修志書政績甚多士民至今稱之

楊豐紳順天大興縣進士同治四年知縣廉正自持慇懃課士書院生徒多受教益未二年竟以骨鯁罷官時議惜之

鄭逢辛浙江山陰縣監生同治七年知縣廉隅自矢剛斷有爲卻供應減僕從治奸吏剔蠹役吏胥每多怨望百姓沾實惠焉

雲茂濟廣東文昌縣進士同治十一年由庶吉士改

芮城縣續志

卷二 官績

十二

知芮城縣矢志清廉理訟詳悉課士勸農孜孜無怠志淑捐賓興鉅款尤爲嘉惠士林至今留去思焉

選舉

進士

乾隆三十一年丙戌科會榜

李忠廷

廣東開建縣知縣

乾隆三十七年壬辰科會榜

孫尚簡

福建福鼎縣知縣

乾隆四十六年辛丑科會榜

李騰蛟

直隸遵化州知州署宣化府知府詳人物

嘉慶六年辛酉科會榜

蕭樹本

禮部主事升員外郎

芮城縣續志

卷二

選舉

十三

舉人

乾隆三十年乙酉科

李騰蛟

見進士

乾隆三十五年甲午科

常有五

陳其蘊

李映輝

乾隆四十二年丁酉科

郭照藜

甘肅平涼府知府署平涇兵備道詳人物

乾隆四十四年巳亥 恩科

閻育杰

張金榜 廣西知縣署太平府同知

乾隆四十八年癸卯科

張銘西

乾隆五十三年戊申 恩科

李指南

騰蛟子湖南寶慶府知府詳人物

乾隆五十四年巳酉科

閻鶴立

長治教諭

乾隆五十九年甲寅 恩科

李雄鼇

署陝西永壽縣事後改壽陽縣教諭

芮城縣續志

卷二 選舉

十四

乾隆六十年乙卯科

蕭樹本

見進士

嘉慶六年考還 乾隆丙午舉人

薛載熙

汾州府訓導

道光五年乙酉科

張聯登

懷仁縣訓導 詳人物

王夢奎

平陽府教授 詳人物

道光八年戊子科

李應魁

交城縣教諭

道光十四年甲午科順天榜鄉試

焦蔭桐 榜名百忍

道光二十年庚子科

董藍田 大挑知縣分發河南署扶溝縣事

道光二十四年甲辰科

張定基 金榜孫士煒子解元

咸豐二年壬子科

孫麟育

南入覲 道光癸卯科 恩賜副貢本科 恩賜舉人

咸豐八年戊午科

劉寶筏 亞魁

芮城縣續志

卷二 選舉

十五

同治元年壬戌科

劉席珍

同治十二年癸酉科

淡叢桂 郎中

光緒二年丙子科

馬安邦

光緒五年己卯科

張鴻翼

孫新用

貢生

乾隆間

周旭 恩貢

南國化 恩貢

李作肅 恩貢

王家宰 恩貢

劉珠濂 乙酉拔貢

李綬 丁酉拔貢

薛困勉 巳酉拔貢商州知州署興安府知府事詳人物

陰樹德 以下俱歲貢 張吉人

董瑄 張在田

任之琰 陳維芬

荆楚奇 王臨傳

李份 范斯翼

芮城縣續志 卷二 選舉 十六

薛鳴鳳 蕭夢芳

李登瀛

嘉慶間

周殿元 恩貢 張登瀛 恩貢

王叔乙 恩貢長治教諭 閻名時 恩貢

杜九齡 辛酉拔貢榮河教諭 張聯甲 癸酉拔貢

常依肇 戊辰副貢 常靖獻 河津訓導以下俱歲貢

薛鵬翔 張銘

李錦章 薛岱觀

南璵理 朱集成

董作賓

薛濟舟

李九錫

柳自玉

李見龍

道光間

李應魁

乙酉拔貢見舉人

姚浚采

恩貢

鄭彥秀

恩貢

賈景誼

恩貢

陳文濤

恩貢

董藍田

丁酉拔貢見舉人

張俊士

己酉拔貢鄜州分

張士俊

以下俱歲貢

張問政

李春蕃

王金鑑

張士煒

李如棠

芮城縣續志

卷二 選舉

十七

李 馥

朱宋儒

劉錫寶

李成蹊

候補訓導

趙 鶴

張子銘

董生榮

王化南

姚晉楷

候選訓導

南入覲

癸卯見舉人

恩賜副貢

咸豐間

南廷槐

恩貢

許舒錦

恩貢

張景運

恩貢

王治泰

恩貢

汪丙杰

壬子副貢

蕭穆莪

乙卯副貢

黃垂裳

戊午副貢

李錦堂

戊午 恩賜副貢

謝去愆 以本俱歲貢 薛于瑛 詳人物

孫應運 蕭承露

薛玉桂 薛舉賢 乙未副貢

楊鴻舉 郭獻瑞 辛酉拔貢

同治間

姚論秀 恩貢 張尊美 恩貢

王振鐸 恩貢候選直隸州州判同知銜 薛于瑾 歲貢候選訓導

陳德先 以下俱歲貢 陳正楷

陳向先 石雲桂

呂應韶 李秉哲 癸酉拔貢候選州判五品銜

芮城縣續志 卷二 選舉 十六

楊上林

光緒間

王振鏞 恩貢 蔡景仲 恩貢

張鵬翮 歲貢 蕭露濃 歲貢

例仕附

乾隆二十八年後至光緒間

張廷奇 河南鄧州州同升 謝大名 陝西山水縣典史

張連山 湖北光化縣典史 郭學山 江蘇華亭縣典史

趙克鑑 直隸任縣知縣 郭守倫 陝西靖邊縣知縣

張夢芝 江西新建縣知縣 薛愈炳 陝西華州知縣

張恒新 廣東長甯縣知縣 李 綸 安徽休甯縣丞

張星煜 浙江武康縣丞 李重榜 湖南鄱縣典史

李圖南 候補訓導署汾陽教諭 郭自立 湖南桃源縣新店巡檢

李炳南 山東莘縣知縣 李 鎰 江西崇仁縣丞

郭學泗 附貢由膳錄議叙州同分發甘肅授靈州花馬池州同

張星煒 直隸開州州判 陳煒烈 江蘇溧陽縣丞捐升知縣

李國珍 江蘇徐州府經歷 張應斗 代州訓導

郭建本 鳳縣知縣 張樹鶴 湖北鄖陽府經歷

淡凌雲 陝西藩經歷借補隴州州同運同銜

李玉田 附生五臺縣教諭 郭學翰 陝西候補縣丞

芮城縣續志 卷二 選舉 十九

張景堂 廣東新會縣丞 李清新 福建試用從九

任士奎 江蘇試用縣丞 呂岐翥 湖北試用從九

劉徵遠 廣東始興縣典史 任清秀 廣東布政司照磨

董鶴齡 河南候補按察經歷 薛河濟 河南滎池縣典史

景玉瑛 閩鄉縣代理縣丞 郭 襄 分發試用知縣

孫新慶 廩貢候選縣丞 薛天相 廩貢候選訓導

李生華 廩生候選訓導 焦 桐 廩生候選訓導

楊萬青 增生候選州吏 劉蔭裕 候選按照磨六品頂戴

郭邦彥 候選從九品 張懋彬 候選從九品

武秩

乾隆至光緒間

薛國泰

乾隆壬子武舉

帖益鈐

嘉慶庚子武舉

張士剛

運糧千總道光壬辰武舉

張士儒

道光甲午武舉丙申進士

張士鴻

道光乙未武舉

張萬清

道光己亥武舉

張清瑞

士儒子道光癸卯武舉

李玉安

道光己酉中甘肅武舉任甘肅守備

高丕顯

議叙把總銜

石廷獻

議叙把總銜

董耀元

議叙把總銜

石雲行

議叙營千總銜

張應泰

議叙營千總銜

張翔鳳

衛守備銜

張恒九

都司銜

景清真

議叙衛千總銜

芮城縣續志

卷二

二十

黃武元

議叙衛千總銜

楊樹垣

守禦所千總銜

封蔭

乾隆至光緒間

李肯堂

以子天仕

贈儒林郎

李天仁

附貢 旌表孝子以子騰蛟 夫孫指南 晉贈中憲大夫

封奉政大

李天休

以嗣子騰蛟 贈中憲大夫

封奉政大夫孫指南

晉

郭丕蘭

壽官 大夫

旌表孝義以孫照藜

晉贈中憲

郭含章

候選州同 中憲大夫

旌表純孝以子照藜

晉封

薛維世

候選縣丞以孫困勉

馳贈奉政大夫

薛長年

以子困勉

封奉政大夫

張霽雲 以孫廷奇 馳贈儒林郎

張夢闌 以子廷奇 封儒林郎

張夢芹 以姪廷奇 馳贈儒林郎

謝思孝 以子大名 贈修職郎

張夢蕙 以子應斗 贈修職佐郎

王際虞 恩賜正九品 以子夢奎 覃恩 馳贈

杜若顏 以子喬林 馳贈儒林郎

淡如玉 以孫凌雲 馳贈儒林郎 晉贈奉直大

淡盈科 以子凌雲 封儒林郎 晉封奉直大夫

淡文科 以姪凌雲 馳贈儒林郎

芮城縣續志 卷二 三

張宗華 以子景堂 贈修職郎

李維世 以孫天仕 馳贈儒林郎

閻希孔 以孫鶴立 馳贈修職郎

李圖南 以弟指南 馳贈朝議大夫

王錫節 以孫夢奎 馳贈文林郎

孫文來 以曾孫麟育 馳贈奉政大夫

孫正載 以孫麟育 馳贈奉政大夫

孫一元 以子麟育 誥贈奉政大夫

孫麟現 以弟麟育 馳贈奉政大夫

玉夢奎 以子振鐸 誥贈奉政大夫

人物上

李天仁附貢生以孫指南 贈中憲大夫純孝本於至誠父病危禱神立應事繼母張將順承歡待異母弟友愛無間終身不析產業弟病於陝成家人勿令父母知三日往返病愈始以聞其曲體親心類如此訓課子姪科甲蟬聯子騰蛟成進士孫登賢書人以爲孝友之報卒年八十四乾隆四十二年 旌表建坊

李騰蛟孝子天仁子也乾隆辛丑進士以子 晉封

中憲大夫初任直隸任縣縣有澤袤四百頃舊泊

芮城縣續志

卷二

人物上

三

於水久而涸民多私墾屢釀訟端承督憲劉公命經理之則壤成賦官民均益嗣調武清河流漲溢五百餘村晝夜焦勞驗災發賑必躬親不假手吏胥窮民均沾實惠邑有巨盜李甲作奸天津而伏於武清率丁壯數十人昏夜入賊窠李甲俯首就縛四境帖然嗣擢遵化州爲駐 蹕所經供億浩繁從不派累百姓州人感戴以積勞卒於官禮部尙書紀文達公撰墓表

李指南騰蛟子也乾隆戊申舉人初服官直隸新樂縣輕減差徭士民愛戴調正定首邑修城垣躬親

王振鑽 以弟振鐸 貶封奉政大夫

蕭發春 以嗣子存心 誥贈奉直大夫

蕭發奎 以子存心 貶封奉直大夫

蕭嘉祥 世襲 恩騎尉神池縣千總陞貴州遵義府守備

薛超 世襲 恩騎尉蒲州協標下試用千總

郭苞 世襲雲騎尉

監督事成不擾歷署天津保定順德同知尋遷治
中升湖南寶慶知府興利除弊多善政暇則訓課
子姪邀兄及親朋樂湖山風月友愛彌散休致後
優游林下數年子玉田邑庠生例選五臺教諭訓
迪有方家居設義學周貧乏僉稱善人家風書香
至今勿替

郭丕蘭舊志稱其善事祖母段氏事實未詳考段氏
因弟故悲鬱成心疾蘭曲意承志疾遂瘳後段患
癱證左右調養二十年如一日父患目盲蘭日夜
焚香禱天常以舌舐其睛目復明人謂至孝所感

芮城縣續志

卷二 人物上

十四

少弟丕民多病母最愛憐悉讓已應得田產與之
兄負債重懼辱親蘭勉力代還尤喜周恤鄰里鄉
閭目爲善門卒年九十五以孫照藜 贈中憲大
夫乾隆二十七年 旌表建坊

郭含章州同 旌表孝子丕蘭子也父年八旬侍寢
不離遣之去乃潛伏牀下終父年不少懈居喪時
兄含膏年六十有一期年後勸兄居便室乃獨寢
柩側三年平居修古塚賑鄰里尤孳孳以行善繼
父志爲孝以子照藜 封中憲大夫卒年九十五
乾隆四十一年 旌表建坊

郭照黎孝子含章子也乾隆丁酉舉人以大挑籤發直隸補安平縣有政聲時武強深州多重案久未決奉委勘訊案立銷獻縣有巨室子買婦帶三歲兒未幾前夫控索兒婦不認其夫命役買餅給兒使遺其父兒將餅直至具控者前婦語塞獄遂決任內卅歲大歉稟懇賑飢活數萬人癸丑調邢臺邢科名寥寥因設書院義學以造士自此文風丕振七載升昌平州值水災捐廉給賑保全甚衆旋擢平涼知府上游倚重委護平涇兵備道諸事務持大體嘗於座右書火性一動好事亦乖八字以

芮城縣續志

卷二 人物上

五

自箴足徵雅量過人

薛困勉字果亭佩玉四世孫識略過人以選拔分發陝西歷署留壩同知乾州州判循聲籍甚嘉慶元年楚北賊犯鄖陽率師守白河擊孤山塘先登破其壘斬首千級賊逸督捕漢中興安輾轉二十餘戰屢摧敵鋒三年復從李叅將昌擊賊戰兩河關斬四千級俘賊渠楊英等二十人旋授渭南縣丞遷岐山知縣積軍功調長安知縣升商州知州咸惠並濟十一年甯陝鎮兵不靖竄興安境上憲倚重檄攝興安府事日夜巡守多方設備民賴以安

商城守兵百七十名月餉不給捐俸置營田以給軍食商營立祠祀之子愈炳以縣丞効力滑縣平賊有父風超升知縣歷署平山保定縣事授新城知縣亦著政聲

董永訓家赤貧事母至孝母八旬傭工奉養每得食自忍飢留以奉母母訝其瘦問之以他詞掩飾母卒慟極哭不成聲匍匐牀前見者罔不垂涕次早竟以哀痛終乾隆三十三年邑人張雲翌等公舉孝行縣令以孺哀死孝匾旌其門

張廷奇初任河南鄧州州同有循聲調甘肅花馬池

芮城縣續志

卷二 人物上

三

州同設義倉捐儲粟米千有餘石俾荒早有備民欠額征米以歲歉不忍追出資代償時重兵駐紮調發軍裝大爲地方之害歷任苦之而無如何奇獨毅然詳請革除州民至今德之升西和知縣值張逆跳梁官兵雲集縣境瘠貧供支非易因議定章簡明易行兵民稱便上游器之屢登薦牘焉

張應斗邑諸生風度端凝學問淵博爲莫寶齋司農所器重由歲貢司訓代州整飭學校實心育才名士迭出其門賀耦耕制軍視學山右時稱爲秉鐸第一遷廣西平樂府經到官後遽引疾歸卒於家

郭建本兵備道照藜孫也由縣丞升鳳縣知縣同治
初值髮徊交變募勇丁修城垣備器械宿城上者
五閱月故漢中十一屬獨鳳縣保全百姓立祠塑
像祀之

陳其蘊字性菴乾隆甲午科舉人 欽賜國子監祭
酒天性孝友博洽猶其餘事三歲失怙恪遵母訓
母有言輒條記之後彙成二冊名曰母言隨記同
治五年蒙 旌孝子建坊入祠

李玉安家貧客遊關隴道光己酉中陝甘武舉積軍
功授平涼遊擊加總兵銜同治五年奉札出差髮

芮城縣續志

卷二 人物上

三

逆陷平涼全家徇難安聞變回救殺賊數百人收
復城池六年運餉出關至斜口鎮遇賊數萬力戰
被擒罵賊死

許紹玉性至孝服賈遠方因母衰老遽歸奉養親有
疾衣不解帶者數月母八十四歲歿哀毀成疾相
繼而亡鄉里皆惋悼之

郭襄素有膽略尙氣節以知縣分發甘肅同治二年
催辦山西軍餉解赴平涼糧臺差甫竣適徇匪口
城襄罵賊殉難蒙 恩追贈道銜世襲雲騎尉以
褒其忠

李雄鼇舉人歷任陝西榆林永壽府谷等縣署葭州知州事聽斷如神廉介不阿忤上官意改教職解組之日橐無餘貲孫文彥入邑庠曾孫雲驥食廩餼至今書香綿延皆遺澤焉

薛于瑛歲貢生天性孝友事繼母寡嫂誠敬備至終始無閒言食餼後無志科名散實行崇正學信從者日益衆 謝學使重其名 奏給國子監學正銜 鮑中丞聘至省垣禮數有加因請設教勉學堂俾士子有所矜式焉丁丑戊寅歲大禋 欽憲閣禮請勦辦賑務資益良多旋以疾卒 欽憲發

芮城縣續志

卷二 人物上

三

一百金爲置祀 秦魁炎焦立登捐一百五十金買屋爲祠 千鑿飮經義性理之書註有學庸小學藏於家

孫麟現增生事親 孝父歿湖省家貧步行千餘里扶柩歸窆愛弟尤切日夜訓迪十餘年無少懈後弟以孝廉官豫省子姪亦多入膠庠膺鄉薦人以爲孝友之報

李法張初極貧傭工奉母甘旨母有腿疾常負背出入始終如一中年家稍裕輒樂善好施遇義舉解囊無吝色六旬餘喪子人以爲天道難知親友勸

之續娶生子旭少長就九品職好善有父風道光
丁未荒與堂兄貢生德華散糧五十餘石事後焚
賑冊曰毋令子孫見之以恩爲市也居近河每水
漲有漂屍必棺殮以葬收白骨無算又拾字紙捨
茶湯二十餘年無少懈旭子秉哲膺癸酉選拔人
共信陰騭顯報云

李芝田增生品端學正廉讓自飭胞伯官寶慶時立
爲嗣及伯生子玉田以家產分給芝堅辭不受生
平慷慨仗義掩埋枯骨賙恤單寒誨生徒遇寒士
弗取脩金晚年益博羣書善屬文所著詩有食品

芮城縣續志

卷二 人物上

无

咸勻集尖义集行世

李毓寶家貧有至性事繼母陳甚孝母病劇割股以
進屬家人勿令母知母病尋愈瘡痕亦痊人以爲
孝感所致

薛德耀生員事親至孝處鄉里一以寬仁其父慷慨
好施每歲終必備數十金以待父命所與如此者
十餘年尤孝而好學手不釋卷

張聯登舉人性嗜學慷慨好義鄉薦後游幕直隸陝
西留都城四五載學益精受業者日益衆一時登
賢書捷春官者多出其門家故不豐值大祿稍有

餘貲輒出賑濟保全無算

陳寶生員事繼母楊至孝母生一女適衛氏有五子家貧寶撫育之胥俟成立而後己舅氏負五百金焚其券曲體母心無所不至人莫知爲繼母者子漢章入邑庠孫覲光耿光俱食餼人以爲孝行所致

朱宋儒歲貢生爲人古樸性理湛深闢異端崇正學邑之名士多出其門

李應魁道光戊子舉人品端學優善法書工詩賦家本饒裕以教讀而漸次蕭條任交城教諭僅年餘而卒

芮城縣續志

卷二 人物上

三

王夢元生員舉止端方語言耿直解紛息訟鄰里賴之以安

薛益恭生員持身勤謹純孝性慈因母張氏病氣促訓蒙村塾不肯遠離膝下晝課生徒夜侍湯藥二十年如一日且有義方之訓子希仲亦早歲入庠克承父志

人物下

陳遇泰庠生慷慨好義親鄰借貸無力償者焚券創修文昌閣真武廟樂輸百金子典政助修書院捐銀數十兩年荒擇鄰里貧乏者計口授糧孫鴻緒克繼祖風丁未年荒免租三百餘石又散給本村麥六十餘石樂施好善三世同揆縣令丁樹勳給匾旌之

劉邦杰職員好善樂施遇貧乏者周恤之婚喪者資助之或負欠力不能還輒焚券子一孫篤公附貢英魁舉人曾孫增高附貢增晉附生增恆國學生

芮城縣續志

卷二 人物下

三

杰存年八十四五世同堂人以爲修德之報

宋作聰貢生嘉慶癸酉年荒出麥四十石量給本村子凌雲布理問道光乙未復散給麥四十石癸卯重修西河書院捐銀百兩孫之儒州同銜丙午歲荒散麥三十餘石年終量給錢穀又倡免稞租四百石咸豐丙辰歲歉復散麥四十石好善樂施三世一轍

世一轍

張元端監生父患泄瀉母病癱侍奉湯藥二十餘年無怠志居喪哀毀逾常鄰里感動卒年七十八歲
道光十五年 旌表建坊

王夢奎道光乙酉舉人平陽府教授好學敦行教育膠庠成就者衆訓子姪以義方皆入邑庠咸豐七年河南盧氏告警勸民團練鄉閭賴之

張士鴻武舉克敦孝友勤授生徒弟士儒丙申武進士士綱及子姪萬清清瑞皆武舉河南盧氏告警率家屬練習鎗礮爲各里團練先聲鄉里恃以無恐

薛洪先布理問持躬醇謹爲鄉里所推重修學宮武廟書院諸大工捐資不吝以好義稱

淡如玉監生以孫凌雲 贈奉直大夫嘉慶十八年

芮城縣續志

卷二 人物下

三

兩次散給麥穀百餘石子盈科庠生以子凌雲封奉直大夫道光二十三年修西河書院捐銀百兩二十六年歲荒復散麥七十餘石並免麥租五百餘石兩世樂施鄉里稱頌

杜如思鄉飲介賓好施與子昇東監生有父風捐資助修書院道光十五年暨二十六年歲歉前後散給貧戶麥六十餘石免佃租三百二十石鄉里重之舉介賓

李殿桂監生母李氏守節四十年桂事之孝遇歲荒施濟不吝子應愷邑庠生舉鄉飲

杜喬齡按照磨銜道光間創修節孝祠捐銀二百六十兩弟喬鶴捐貲助修書院歲荒以存糧減價平糶讓佃租八百餘石兄弟皆以好義稱

党甲林鄉飲介賓捐貲倡修節孝祠又出貲運石鋪東門官道邑人稱之

馮務本鄉飲介賓道光間年荒免稞租百餘石擇鄰里貧者計口授糧建廟宇施祭田修道路每遇義舉樂施不吝

劉鵬翼八品壽官子駿極孫梧岡皆生員三世均以孝友稱又府經歷銜蕭發春亦以善事祖母聞

芮城縣續志

卷二 人物下

三

楊維楸賦性樸實以忍讓爲家法八世同居鄉里欽慕知縣萬啟鈞詳請中丞給世風雍睦匾

李馥歲貢生性古樸潛心理學教人一一以根底爲學時墨不許置案頭一時人材多出其門卒後邑人爲之惋惜

陳文濤恩貢生品行端方學問淵博教授生徒多所成就

王體松監生髫齡失怙恃賴祖母撫成祖母年八旬患腿腫朝夕搓運不輟凡十餘日就痊又患目疾以舌舐之其腫立消與堂兄析居生養死葬皆力

任之如未析產者親族鄰里無力婚葬者慨爲幫
助臨歿遺命惟以好義勸諸子不及私蒙 旌

孝子

王廷照邑庠生弱冠失恃事庶母至孝庶母日盲飲
食起居躬親視問如是者數十年及歿厚葬之爲
服心喪焉

李見龍介賓家無餘資慷慨好義邑中龍王廟文昌
閣延慶寺伽藍殿諸大功皆倡捐多金以成善舉
有再堂侄析爨兩世矣憐其貧招與同居爲之婚
娶時議以爲難子名杰從九性孝友樂施好善大

有父風

鄭彥秀恩貢生品端學博書法亦擅長屢經學使褒
獎循循善誨造就甚多

李雲龍順治間人樂善好施爲鄉里所稱

焦偉泰從九銜忠厚忍讓仗義疎財遇荒賑濟貧之
不能嫁娶者輒資助之

劉秉鈞附貢生好義輕財貧者不能償輒焚券道光
丁未歲荒出麥賑本村無吝色

李繼祿正直慷慨道光二十七年在本村散穀麥十
石有奇

薛于璜品行端正學守程朱與仁齋先生遊四十年
如一日賦獨善齋十咏以鳴志

劉統監生少孤事兄如父兄歿傷悼不已守墓三月
精於醫活人甚衆子翊基孫廷楹俱入邑庠

劉肇基監生好讀書喜獎後進設鄉塾延師教貧家
子弟成就甚衆子廷桂入邑庠

李丙照仗義輕財丁丑大荒出粟賑本村貧民無吝
色

薛元塋生員朱呂村人母患癱每出外必躬負之左
右奉養終始不懈及歿守柩三年

芮城縣續志

卷二 人物下

三

張向離監生母病瘋誠心禱天四十餘年不茹暈酒
母尋愈人以為孝行所感

李金義耆賓母年六十雙目失明左右扶持十餘年
如一日諸父四俱無子義養葬悉盡禮子玉堂入
邑庠

蕭悅成 恩賜八品銜性至孝父母葬後每夜出郊
省墓歸卧靈堂鄉里稱之

王來俊監生賦性質直然諾不欺待羣季友愛尤篤
董學孔侑生性嗜讀貧能自守鄉黨以長者目之嘗
以館金代隣償債臨終呼隣付券而去

張勉義生員輕財好施同治元年陝西徇匪騷擾捐資掩埋河上尸骸三百餘六年歲歉出麥穀八十餘石散本鎮貧民又刻丹桂籍勸人爲善其義行類如此

張釋洙監生少失怙孝事繼母友愛幼弟人無閒言精於醫治小兒全活甚衆子文藻入邑庠

李鳳翥耆賓家貧母患癱七年竭力奉養艱苦備嘗後家漸殷實遇丁丑大荒出粟錢散本村貧民不吝

張夢錫耆賓賦性溫厚敦族睦鄰道光丙午出粟賑

芮城縣續志

卷二 人物下

美

飢鄉里賴以保全孫廷舉軍功萬清道光己亥科武舉相清武庠生

張文進理問銜樂善好施累次出粟賑飢勸建神祠補修道路後子孫蕃衍書香不絕

張長德事兄明德如嚴父兄子思忠視如己出胞姊貧給養終身有盜至家被獲飼以飯各有贈遺盜拜謝去子思敬庠生孫清宦廩生俱克繼家風

劉奇鋒生員弱冠爲諸生棄舉子業嗜理學持已端方不苟

劉篤公附貢生家豐裕丁丑大荒出穀麥三十餘石

按戶散給本村親族加厚焉

劉肇魁介賓爲諸生時棄舉子業酷嗜理學兼通醫
延請者不拘遠近風雨輒往人多賢之

王思賢耆賓少孤母孀弟幼孝友兼盡尊師重儒樂
善好施鄉里稱長者壽七十八子侄林立孫曾繞
膝人以爲孝義之報

姚若采廩生爲諸生時每試輒冠軍長於詩古工書
法有義方之訓子晉璜品端學正孫緝熙亦入邑
庠

劉重仁介賓待人忠厚樂善好施道光丁未歲荒出

芮城縣續志

卷二 人物下

三

麥百餘石濟活甚眾鄉人勒石頌之子崇本布經
厯性至孝克繼家風

張應中性孝友昆弟五人分爨後以已業讓弟遇光
緒丁丑大荒獨力養親旨甘無缺

范生華增生居家嚴肅儉約悉遵小學爲規性嗜學
雖耄年不倦課子侄諸孫輩以義方皆入邑庠
張性傳庠生性孝友明幹有爲重修文廟城隍廟屢
督大功心力交瘁子俊士拔貢官陝西有政聲俊
彥食廩餼皆義方之訓也

郭萬龍介賓勤儉持家義方訓子道光丁未散麥濟

貧村人感頌子飛鵬庠生有父風同治丁丑亦賑
麥數十餘石

張俊士拔貢以州判分發陝西解餉遇髮賊極力防
護無失保五品藍翎尋補鄜州州判莅任後同景
都司俘賊渠李合合等二十餘人辦理糧臺出納
持平軍民感激政聲丕著

焦作新耆賓性至孝母有腰疾躬親撫摩衣不解帶
者數月尊師重儒義方是訓子逢春補邑增生

陳殿卿性孝友常節口腹以供甘旨有姊孀居無依
迎養終身且爲甥女治裝奩及時嫁之母歿後恆

芮城縣續志

卷二 人物下

三

伏墓痛哭見者感泣

趙世成耆賓勤儉持家待人極忠厚善訓蒙兼通醫
道活人無算鄉里稱長者焉

李開基服賈保定聞父疾急歸奉養籲天身代疾尋
愈族叔及弟早析居爲之置產婚娶值歲荒復與
同爨其善行類如此

馬勉志嗜學好禮與人晉接靄如也耕讀傳家教弟
姪輩皆獲成立晚年授生徒悉誨以忠孝大節壽
八十餘屢舉鄉飲輒力辭子追風繼父志好學工
書孫安邦丙子科經魁人以爲厚德之報

張心顏附貢生生平尙義氣好施予游學介邑善誘不倦及門感之爲納貲入成均

張漢臣性方正善治家朔望必以朱子家訓及明心寶鑑諸書爲家人講誦義方垂訓子煥離入邑庠孫鴻翼領己卯科鄉薦

楊廷柱太學生家世豐裕處己若寒素而慷慨好施遇歲歉捐穀賑飢貧不能殮者給以棺木或稱貸不能償輒焚券道光閒舉介賓子友時附貢生孫炳離邑庠生輕財好義大有祖風

石蘊輝國學生以貿易起家而深明大義焚借券賑飢貧遇秀穎子弟輒飲助多所玉成焉

陳正楷庠生好詩書義方訓子二子德先向先皆諸生父子應歲試同案食餼俱以次挨貢邑人常稱道之

石雲桂歲貢生天性孝友力學敦行戊寅歲大祲以憂鬱成疾而卒人惜之

楊映垣以孝友稱且樂施予親朋無力還債者每出資代償無德色同治乙丑舉鄉耆

張來儀勤儉起家事親克盡色養鄰里有困苦者盡力周濟無吝容橋梁道路倡首修建人以無禮欺

陵忍而不校鄉里稱爲長者

李際豐端方正直忠厚待人族人無力辦婚喪者悉出資代營之其義行多類是

韓馨亭家極貧傭工奉母不懈者二十餘年岳母曹氏無子迎養於家數年鄉里稱之

楊桂林廩生敦品勵學有長者風姊適貧家常設法調恤之不辭艱阻族有義子某因爭產構訟諭以大義某遂感而息訟其誠足動人如此戊寅大祲以困餓卒士林哀之

薛天相由廩貢候選訓導性情樂易品行端方丁丑

芮城縣續志

卷二 人物下

四

大荒以辦賑積勞成疾而卒知縣萬啟鈞稟請轉奏蒙 賜祭獻銀三十兩以示憫恤

張金鑑從九性孝友待人忠厚免租焚券善繼父志丁丑大荒出麥穀數十石賑本村貧民嗣以運賑積勞卒知縣萬啟鈞稟請彙奏蒙 賜祭獻銀三十兩以示憫恤

旌表孝子

南磴里張正芳

陽王里劉邦彥

石門里按照磨張紫來

坊上里馮務本

南磴里恩貢生王治泰

龍泉村董存福

坊上里貢生姚浚采

南郭里薛敏政

坊上里蕭發春

柴村里宋凌霄

旌表悌弟

石門里庠生武略佐騎尉張鳳翔紫來弟

坊上里蕭發奎

芮城縣續志

卷二 人物下

望



列女

儒童陰根立之妻杜氏乾隆三十八年題准 旌表
建坊前志已經登載因其時尚未 旌表故續誌
之

監生薛長源妻張氏商州知州困勉之母也夫亡守
節三十六載事衰翁教幼子倍矢苦節後困勉服
官陝右頗著賢聲皆承慈訓年六十五歲卒嘉慶
五年 旌表建坊

薛大業之妻吉氏夫病篤斷指和藥以求療見者皆
芮城縣續志 卷三 列女 一

垂泣夫歿事邁姑孝養無虧婦兼子職苦節三十
餘年嘉慶五年題准 旌表

薛繼父之妻王氏夫亡時有娠兩月即誓守冀延嗣
續於一綫後果舉男備極艱苦撫育成立嘉慶五
年 旌表建坊

宋全綱之妻王氏夫歿時氏年二十貧苦無依守志
不貳祭先必誠教子以義卒年七十三嘉慶七年
旌表建坊

張溫恭之妻陳氏色養奉親義方訓子嘉慶八年題
准 旌表建坊



党超祥之妻蔡氏夫歿時氏二十五歲事瞽翁敬養無虧葬祭盡禮年七十二卒嘉慶十一年 旌表

建坊

王璇之繼室陳氏于歸三年夫亡子幼辛勤苦守至六十二歲卒嘉慶二十二年題准 旌表

生員蕭九霞之妻呂氏禮部員外郎樹本母也年二十九孀居子四歲家貧苦節撫孤成立擢巍科躋顯秩皆親見之卒年七十四歲道光七年 旌表

建坊

杜作棟妻趙氏夫歿意不欲生姑勸之曰汝盡節如

芮城縣續志

卷三 列女

二

老身與諸孤何乃誓守家極貧糟糠不繼紡績奉姑姑沒不以貧廢禮三子皆幼有孤姪失恃並乳哺之後子姪皆成立家漸充年六十八道光九年 旌表建坊

蕭長聰之妻董氏苦節四十餘年壽終七十二歲母儀婦道鄉鄰皆稱敬之道光二十五年 旌表建

坊

廩生姚一鵬妻李氏布經李天仕女夫病劇屬以事雙親撫遺孤且以兄一鶴無後命次子嗣氏泣遵之姑患癰症數年奉侍無懈孝養兼盡子若采廩

生浚采與孫晉璜晉楷俱貢成均曾孫純熙緝熙
入邑庠人以爲節孝之報

監生任若遇繼妻王氏夫歿遺二子俱幼姑病侍奉
勤謹二子先氏卒偕孀媳張氏撫遺孫士昌士彥
成立卒年七十五

張清秀妻閻氏夫歿事孀姑撫遺子備極艱辛孫漢
忠亦克成立叔翁庠生張釺無子氏以次子翔鳳
嗣其後兩門箕裘不墜皆其力也卒年七十一
舉人王維屏妻李氏年二十九夫以家貧力學不第
禮部試賫志以終遺一子名繩武歲方週上有翁

芮城縣續志

卷三 列女

三

姑皆年邁氏仰事俯畜婦兼子職劬勞備至守節
五十年至七十九而卒繩武妻劉氏夫歿時年二
十一子修敬甫二齡熒熒孤守善事孀姑飲冰茹
蘗勤儉持家姑卒喪葬皆如禮教育幼子苦節五
十二年至七十四歲卒修敬妻趙氏年二十五夫
歿子三歲撫育至於成立祖姑與姑孀居數十年
氏以嫠婦終養餘年畢其大事乃子先氏卒復苦
守一十六年而卒三世苦節竟無延似續者聞者
哀之

張學信之妻尉氏夫歿時氏年二十九事孀姑至九

十餘備得歡心次子思顏嗣伯後教育長子思齊
孫春林松林皆克成立卒年八十三

儒童焦尙文妻閻氏二十七守節事姑及繼姑孝彌
篤課子百忍讀書成名中道光甲午京魁子先氏
卒撫育幼孫鍾秀成立溫恭淑慎歷久彌貞與叔
蔚文妻張氏稱一門雙節

監生薛景雲妻張氏洪先之母也夫亡時氏年二十
九洪先甫十齡餘孤特無依氏以慈代嚴一出一
入束以規矩教以忠誠故得力學有令名洪先故
復教育諸孫皆獲成立苦節四十餘年

芮城縣續志

卷二 列女

四

監生張廷傑之繼室楊氏夫故時氏年二十四矢志
守節艱苦備嘗撫前房遺女不啻己出視姪如子
苦節四十餘年

監生楊雲會妻張氏年二十九歲夫亡孝事舅姑勤
訓子女躬親織紡家範肅嚴苦節二十餘年子樹
垣弱冠入武庠理家勤儉足慰節母苦志

李德福妻范氏年十七于歸數月夫亡翁年六十餘
續娶理氏生子旭甫二歲理亡氏撫叔成人爲娶
曹氏生二子秉哲濬哲未幾曹亡氏又撫姪成立
叔卽以長子爲氏嗣後膺選拔皆氏孝行所致計

苦節四十年

騎尉楊遇時妻石氏守節四十餘載善事舅姑義方教子賑飢焚券義行甚多

鹽知事銜楊樹楨妻張氏年二十二歲夫亡子幼氏孝事姑嫜撫孤成立

生員楊炳離妻張氏平樂府經歷張應斗女也孝事病姑得堂上歡心夫亡子幼支持家事井井有條督子讀書嚴而有法好施予親族有求輒應無吝容亦無德色同治間請旌入祠子三長萬選五品銜勳辦賑務運糧勤慎中丞獎以飛輓宣勞匾

芮城縣續志

卷三 列女

五

額次萬青增生散賑認真知縣萬啟鈞保薦以州吏日用季萬笏少亡妻王氏勵志守貞邑紳薛于瑛有一門雙烈傳

孫成才妻王氏孝奉舅姑善事兄嫂夫故家寒嗣子春盛甫三歲撫之成人姪春茂稍長亦視猶己出績紡度日茹貧食苦宴如也督子孫讀書最嚴孫繩武以防河獎八品銜姪孫祖武增生曾孫重璠重璜同榜入庠食餼門祚不衰皆苦節之報

王存敬妻李氏道光九年夫亡時氏年二十三歲卒年六十苦節三十七年

張星烜妻梁氏道光十年夫亡時氏年二十八歲六十二歲歿苦節三十五年

管如簫妻党氏道光元年于歸氏年十六歲夫故時氏年二十三卒年六十歲苦節三十七年

儒童張祥照嫡妻高氏夫故時年二十五歲卒年六十四苦節三十九年

陳善養嫡妻楊氏夫故時氏年二十六歲歿年六十六苦節三十四年

姚定邦妻薛氏夫故時氏年二十四歲歿年四十三苦節二十年

芮城縣續志

卷三 列女

六

党乙林妻王氏夫故時氏年十九歲歿年六十七苦節四十八年

姚玉琢妻劉氏夫亡時氏年二十五歲守節四十餘年

忽超凡繼妻李氏夫亡時氏年二十七歲守節二十餘年

柳臨川嫡妻王氏夫亡時氏年二十七歲守節三十餘年

張玥妻蕭氏

監生管周禮妾樊氏

監生常保盛妻原氏常有倫妻張氏

王占熬妻楊氏

劉廷獻妻楊氏

張清選妻王氏

常爲元妻張氏

張翰傑妻党氏

李致道妻陳氏

焦應河妻劉氏

張廷英妻張氏

谷歡收妻楊氏

監生張庚申妻王氏

馬登俊妻楊氏

南華桂妻陳氏

張致德妻高氏

荆大智妻薛氏

生員張有括妻董氏

石成妻韓氏

李毓瑞妻尙氏

曹明亮妻張氏

宋登奎妻閻氏

監生淡如金妻常氏

芮城縣續志

卷三

列女

七

生員黃榜妾張氏

王體行妻張氏

李重金妻薛氏

王彥秀妻李氏

景世惠妻陳氏

張濬川繼妻楊氏

常爲本妻劉氏

附貢張朋生繼妻柴氏

蔡步霄妻李氏

張恆升妻宋氏

任彥昌妻杜氏

王儀安妻蕭氏

壽官任夢太繼妻劉氏任性太繼妻張氏

王強妻席氏

張之瑜妻許氏

楊崇興妻常氏

党毓春妻張氏

朱清吉妻陳氏

薛舉才妻姚氏

楊登雲妻馬氏

王會圖繼妻常氏

薛得吉妻常氏

楊樹芝妻張氏

薛宰浦妻張氏

監生常爲雅妻董氏

陳其道妻李氏

王安世妻李氏

任世玉妻李氏

前任長甯縣知縣張恆新妻

董文會妻張氏

杜氏

張起玉妻南氏

前明貞女柳氏蘭女

賈木一妻李氏

監生張鳳飛妻張氏

劉階升妻薛氏

舉人焦百忍妻姚氏

以上自姚一鵬妻至焦百忍妻皆於同治間請

芮城縣續志

卷三

列女

八

旌

張依仁妻蘇氏苦志守節輿論允孚縣令給冰霜貫

節匾

生員樊際會張氏家貧矢志守節數十年如一日訓

子耕讀漸至豐盈六十二歲卒

儒童李縉繼妻曹氏夫書癖成癆卒於伯忠廷開建

縣署氏年十九矢志靡他以姪如棠爲子貢成均

孫三人煥琳職員煥瑛增生煥秀業儒皆其遺教

監生劉學孔繼妻楊氏孝養得翁姑心長子鵬翔先

氏卒依次子鵬翼以終卒年九十二母節子孝孫

峻極梧崗俱入邑庠曾孫寶箴中戊午舉人

劉鵬會妻郭氏夫死無子遺二女母家以其貧苦無
依勸改適氏指天自誓母家知不可奪竟主婚已
與人有成約氏聞之託以他故反夫家卽闔戶自

縊

薛飛虎妻李氏二十五歲夫亡姑老子幼家甚貧績
紡度日仰事俯畜既孝且慈七十二歲卒

儒童薛五德妻杜氏侍姑篤疾衣不解帶夫歿遺二
子甫襁褓家計艱難苦守四十餘年二子皆成立

儒童李若桂妻杜氏夫歿遺二女撫姪西庚爲子孝

芮城縣續志

卷三 列女

九

養舅姑訓子女有法卒年六十

儒童李若梅妻宋氏夫亡時長子西奎甫九歲次子
西齡歲未週撫育至於成立苦節數十年與夫嫂
黃氏稱爲一門雙節

儒童李重華妻韓氏孝事翁姑和睦妯娌居數十
年艱苦備嘗現年八十有三子作楨例入成均氏
年七十張學使給匾旌之

楊永建妻陳氏二十八歲夫歿遺腹子暢生越明年
翁姑相繼卒喪葬皆如禮勤苦度日并自親操孫
國棟曾孫象賢耕讀傳家克承慈訓守節三十餘

年

儒童張寅斗妻樊氏廩生樊士薰之女夫歿時氏年二十五無子或勸他適誓以死守翁姑卒曲盡禮節撫夫弟庠生相清子女各二愛如己出教養有法苦節三十餘年

監生焦蔚文妻張氏夫歿時遺二子長際桐四歲次鳳桐歲未週上事就衰之翁姑下撫襁褓之子女艱苦備嘗矢志不貳初于歸時嫂已孀居氏視姪猶子教養至於成立姪百忍字蔭桐道光甲午順天舉人氏卒年六十四

芮城縣續志

卷三 列女

十

王興武繼室蘇氏二十九孀居四子俱幼長子修禮前室出愛逾己生上侍老姑下撫幼子事畜勤劬備嘗艱苦守節近四十年長子援例入成均

董太陽妻劉氏夫歿時氏年二十八遺二子皆幼家無擔石鄰媪有勸嫁者氏指天自誓願守節以終長子智鶴遠出無耗次中鶴頗盡孝孫四人皆成立苦節三十九年至六十七歲卒

生員李臨陽妻孫氏年十七于歸克盡孝道二十二夫歿遺一子襁褓撫以成立又少亡遺孫養潔養密氏訓課甚嚴令成立守節五十餘年

薛端本妻呂氏二十三孀居遺子迪吉漢章俱幼撫育至於成立卒年七十三

李養性妻李氏二十九夫亡翁姑年邁家計艱難氏事之甚孝有三子次三幼殤持家勤儉家道漸昌教長子殿桂慈濟以嚴未幾入成均孫應愷亦遊庠年七十二卒

姚東萊妻范氏年二十守節孝事翁姑撫幼子大定成立艱苦備嘗卒年七十八

李生花妻段氏生子文明尚幼夫卽歿氏年二十八仰事撫畜白首彌貞至八十歲卒

芮城縣續志

卷三 列女

十一

薛大成妻李氏年二十二夫歿撫孤成立至八十餘歲卒

薛玉璋妻李氏夫歿時年二十三孝親慈幼苦節三十七年

張金生妻李氏年二十八歲夫亡後三月生子撫孤守節備嘗艱苦卒年五十五歲

府經歷張道傳妻李氏湖南寶慶府知府李指南女通翰墨常以經史自娛年二十九歲夫亡撫姪俊士爲嗣事姑孝謹訓子有義方後俊士服官陝右頗著政聲得力於母教居多卒年六十八

李晟妻蔡氏年二十六歲夫故家寒親老子幼孝事舅姑慈撫孤兒家聲克振氏之力也苦節凡三十四年

薛小序妻郭氏孝事病姑十餘年不少倦撫螟蛉董積理無異所生理七歲自塾歸氏訓之曰汝當刻苦攻書學立人品無負我心後果入邑庠

薛繼之妻李氏夫亡時氏年甫十八矢志守貞日夜事孀姑不出戶庭卒年六十二歲苦節四十四年李作舟妻高氏夫故時年三十子寶慶尋亡氏撫二孫茹苦守志四十二年教二孫俱各成立長孫蔭

芮城縣續志

卷三 列女

三

清己列賢序寶慶妻蕭氏年二十六亦苦節事姑撫子二十七年各極劬勞一門雙節鄉里欽之

李占元妻曹氏總兵王安之母也年二十五歲夫亡家貧苦志撫孤備歷艱辛後以子貴膺三品誥命壽八十九歲人以爲苦節之報

周治敘妻王氏舉人王夢奎女弟也年二十八夫亡家極窘子女俱無祖姑及姑皆衰老姑泣謂氏曰天絕周氏人其奈何毋誤汝終身氏誓相依以續紡度日生養死葬盡孝盡禮撫姪爲子愛若所生苦節凡四十年

生員薛德耀妻張氏孝翁姑和妯娌翁有所需輒與當以應命如此者數十年

拔貢張聯甲妾梁氏生子續聲十歲夫亡氏年三十家計艱苦勤績撫孤二十餘年間里毫無間言

舉人李雄鼇妻陳氏年三十歲夫亡事繼姑以孝稱博涉羣書長於詩古督課孫曾至今書香不絕壽八十一歲

舉人閻育杰妻王氏年二十八歲夫亡生子三守節孝姑兼有義方之訓壽九十有五子孫林立多入

邑庠

芮城縣續志

卷三 列女

三

生員李清寶妻姚氏年一十九歲夫亡子僅數月尋亦夭衰姑在堂誓終孝養數十年如一日夫兄生員清瑞夫婦俱亡遺子無依時值大荒推食哺之欲延李氏一綫由是食不給三十餘年之苦節以困餓亡聞者悲之

王銘金妻董氏廩生之權祖母也夫故時氏年二十七柏舟矢志勤儉持家權未週歲失恃氏撫育成立壽八十四苦節五十七年

張文通妻鄭氏年二十九夫亡子幼苦節撫孤卒年五十九歲

李志金妻段氏年三十夫亡無子撫姪爲嗣家道窘
迫備歷艱辛苦節凡四十年

李天富妻張氏年二十五夫亡無子姑老姪幼家計
單寒苦節凡四十年

張嘉樂母尙氏事親孝謹持家勤儉訓子有義方子
孫林立曾元繞膝五世同堂皆氏淑德所致

張俊英妻焦氏年二十七歲夫亡守節三十七年卒
王榮妻李氏年三十歲夫亡撫姪爲嗣苦節凡四十
六年

郭國太妻劉氏年二十七夫亡子幼撫養二十餘年

芮城縣續志

卷三 列女

四

子亦天苦節凡三十三年

郭集泰妻王氏年二十二夫亡遺子甫三月越三年
亦天撫姪爲嗣守節凡三十年

趙七莊妻李氏年二十二夫亡子幼家貧苦守織紡
度日壽至九十歲

府經歷郭建坤妻張氏年二十四夫亡撫姪襄爲嗣
教訓成立守節凡三十五年

楊宗漢妻張氏年二十七夫亡家窶貧孝親撫嗣竟
夜績紡以資事畜如此者四十餘年後子孫林立
曾元蔚起人以爲苦節之報

高步秀妻党氏年二十六夫故家貧子仰青幼氏課耕紡織攻子讀書入邑庠苦節凡三十五年

王致彥妻廉氏年二十四夫故守節六十二年

張應昌妻章氏夫亡時氏年二十九歲苦節凡三十八年

党君計妻姚氏夫故時氏年二十四孝翁姑撫子女備歷艱辛苦節凡四十年

楊維益妻王氏夫亡時年二十六歲孝親撫孤日夜勤謹如此者四十餘年

曹遇春妻李氏年二十六歲夫亡子數月孝事翁姑撫育孤嬰苦節凡三十八年

張普化妻章氏夫亡時氏年二十八歲守節凡四十二年

楊登彥妻張氏夫亡時氏年二十九歲孝姑訓子備極慤懃守節五十年

楊第奎妻張氏年二十六歲夫亡上奉衰翁下撫幼子課耕勤織苦節三十四年

董志芳妻楊氏年二十八歲夫亡孝姑撫子苦志耕織三十年如一日

王立德妻許氏年二十二歲夫亡撫孤成立備極艱

辛守節五十八年

王善梅妻董氏年十九于歸未兩旬夫故撫侄爲嗣
矢志守節歷四十六年如一日

馬義良妻董氏夫亡時氏年二十五歲子幼家貧織
紡度日苦節四十年

王九賦妻楊氏年二十六歲夫故守節四十三年
監生劉應魁妻董氏年十九歲夫亡子幼姑老家貧
矢志靡他仰事俯蓄恃紡織爲生苦節三十六年
王和林妻李氏年二十八歲夫亡無子撫侄爲嗣慈
愛倍摯苦節四十五年

芮城縣續志

卷三 列女

六

劉紀妻陰氏夫亡時氏年二十九歲子甫數月苦節
撫孤訓以義方子丕基入成均孫應灼列邑庠守
志二十七年

李士昂妻董氏年二十五歲夫亡守志苦節三十四
年

州同張樹鸞之長女許配荆姓未于歸夫亡誓不他
適冰玉矢志年二十九歲卒

馬學廣妻張氏年二十七歲夫故家貧撫侄爲嗣攻
書授室備極劬勞苦節四十五年

張玉義妻蕭氏年二十九歲夫故苦節撫孤七十一

歲卒

王秉全妻劉氏夫故氏年二十八歲家貧子幼勵節
全貞竟以光緒四年荒餓死年六十八歲苦節凡
四十年

劉發昌妻關氏夫亡時氏年二十八歲翁姑年近古
稀氏誓守養親績紡度日苦節三十四年

王成禮妻宋氏年二十歲于歸數月夫出外貿易音
信斷絕氏撫養幼侄成立苦節五十一年

張位中繼妻任氏夫故時年二十九歲鬻首飾供前
室子安國讀書凡十餘年後益窮迫以耕織度日

芮城縣續志

卷三 列女

七

苦節三十六年

張元魁妻李氏歲貢李如棠女也年二十三歲夫故
孝事舅姑善撫弟侄卒年六十歲

馬學全妻雷氏年二十九歲夫故其先世寄居維南
孀居子幼族人遇之少恩氏攜孤歸芮艱苦備嘗
卒成其志卒年七十一歲

張勤政妻王氏年二十八歲夫亡無子撫侄爲嗣愛
如己出卒年七十二守節四十餘年

張曜升妻韓氏年二十九歲夫亡勵節事衰親孝撫
猶子慈苦節四十三年

劉藻妻楊氏年二十七歲夫亡撫侄愛逾己出歲大
荒侄逃外氏自傷無依預備棺衾絕食而亡卒年
五十九歲

李金元妻曹氏年二十七歲夫亡無子奉姑撫侄績
紡度日姑歿葬以禮八十二歲卒

郭建鼎妻李氏年二十四歲夫亡無子奉祖姑舅姑
孝養懇至艱苦備嘗守節三十四年

忽自立妻孫氏年二十九歲夫亡撫侄爲嗣事兄嫂
如翁姑守節三十三年

宋登朝妻原氏年二十九歲夫亡子幼孝親撫孤矢
志不移守節四十一年

張開有妻章氏年二十八歲夫故家貧子僅數月晝
課耕夜紡織苦節五十六年

高安仁妻范氏年二十六歲夫故子幼守節撫孤者
三十七年

高克勤妻楊氏年三十歲夫亡守志撫孤苦節四十
三年

衛自屏妻荆氏年二十九歲夫亡守節三十一年
王現鰲妻李氏年二十六歲夫亡守節二十四年

董庭愷妻王氏年二十七歲夫故孝事翁姑撫侄猶

子守節四十六年

蕭占元妻董氏年二十七歲夫亡撫幼子孝翁姑守節四十三年

曹福會妻李氏年二十二歲夫亡無子遺一女氏撫侄爲嗣教養婚嫁備歷艱辛苦節四十六年

趙錫盈妻范氏年二十八歲夫亡遺二子撫育成立壽八十二歲

趙錫盛妻薛氏年二十歲夫亡子幼孝親撫孤卒年七十七歲

趙庚勞妻李氏夫故時氏年一十九歲子女俱無撫芮城縣續志

卷三 列女

九

侄爲嗣苦節三十三年

郝天性妻任氏年二十五歲夫亡子幼苦節四十餘年

蕭思忠妻雷氏年二十五歲夫亡撫遺腹子至授室後又率撫孫成立卒年六十

閻紹縉妻張氏舉人張銘西女也夫亡時氏年二十三歲有義方之訓子侄孫曾多人邑庠苦節四十二年

薛龍駒妻關氏年十六于歸孝事翁姑嫻守閨訓卒年六十歲

趙致祥妻朱氏年二十三歲夫亡子幼撫孤全貞苦節二十四年

董喜妻薛氏年二十二歲夫亡孝親撫孤苦節四十八年

許子駟妻王氏增生文庵孀母也夫亡時氏年二十五歲事親孝撫侄慈苦節凡三十二年

劉金楹妻薛氏夫亡時氏年二十四歲事翁撫孤備嘗艱苦矢志靡他苦節四十四年

李三合妻董氏年三十三歲夫亡子幼矢志守節七十餘歲卒

芮城縣續志

卷三 列女

三

王安平妻王氏夫故時氏年二十八歲家貧親老氏以孝聞苦節凡四十年

王清泰妻張氏夫故時氏年二十六歲撫孤孝親守節凡二十八年

李彥平妻張氏夫亡時氏年二十八歲無子撫侄猶子苦節四十四年

王定文妻黃氏夫故時氏年二十二歲孝事孀姑慈撫侄子苦節二十八年

孫敏志妻龐氏夫故時年二十八歲無子撫幼弟成立爲謀婚娶弟生子繼以爲嗣苦節四十二年

蔡鸞聲妻趙氏年二十八歲夫亡子幼勵志守貞苦節四十七年

曹聯星妻党氏夫故時氏年二十五歲無子女孝翁姑勤耕織苦節三十七年以姪孫承夫嗣

閻克讓妻馮氏年二十三歲夫亡子幼孝事翁姑撫育子女苦節二十九年

以上自張依仁妻蘇氏起至此皆於光緒六年知縣萬啟鈞學官董 焱石向陽詳請 旌表

鄭國澤妻李氏夫亡時氏年二十八歲子女俱無姑老家貧誓終奉養姑歿鬻產以葬悉如禮現年六

芮城縣續志

卷三 列女

三

十六歲

胡宗義妻劉氏夫故時氏年二十九歲孝事衰姑慈撫幼姪現年六十三歲

石清廉妻王氏夫故時氏年二十八歲孝事衰姑撫育幼子苦節已四十年

姚晉琛妻張氏年二十九歲夫故無子事姑撫姪孝慈兼盡尋姪亡撫姪孫高墉爲嗣現年七十餘歲

杜鴻翔妻趙氏年二十八歲夫亡孝翁姑和妯娌現年六十九歲鄉里共稱其賢

從九吳肇基母王氏年二十八歲夫亡矢志守貞現

年六十七歲

孫效珠妻沈氏年二十四歲夫亡子女俱幼家極貧
飲冰茹蘗艱苦備嘗現年七十六歲

李邦盛妻原氏年二十七歲夫亡姑老子幼家貧晝
課耕夜績紡孝親撫孤備嘗艱苦現年六十八歲
王殿文母汪氏年二十九歲夫亡遺二子幼守節撫
孤現年七十三歲

劉熙泰妻張氏夫故時氏年一十九歲子女俱無撫
姪清彥爲嗣孝事翁姑婦兼子職現年八十歲

李思洛妻張氏夫故時氏年二十六歲事姑撫幼盡

芮城縣續志

卷三 列女

三

孝盡慈現年五十二歲

楊希聖妻董氏夫故時氏年二十二歲孝事翁姑慈
撫子女苦節已三十六年

王陶鎔妻范氏夫故時氏年二十一歲貞節自矢孝
親撫孤苦節已二十七年

宋昌運妻高氏年二十三歲生子十日夫亡氏守節
茹苦迄今二十有八年

劉發秀妻李氏年二十五歲夫亡有遺腹子親老家
貧躬勤績紡養親撫孤鄉人共欽其德

任建元妻樊氏年一十九歲夫亡守節已三十餘年

李邦榮妻曹氏年二十歲夫亡子幼冰玉盟心義方
訓子壽七十一歲媳陳氏二十八歲孀居孝親撫
孤守志己二十八年人羨一門雙節

李崇源妻任氏年二十八歲夫亡無子撫姪茂春爲
夫嗣固守清貧績紡度日現年四十八歲姪媳樊
氏年三十孀居孝養翁姑和睦妯娌現年五十二
歲

張摘藻妻李氏夫亡氏年二十五歲松筠勵志金石
盟心現年四十六歲

李錫介妻閻氏年三十歲夫亡苦節己二十一年

芮城縣續志

卷三 列女

三

蔡重寬妻張氏年三十夫亡無子奉養繼姑撫育胞
姪盡孝盡慈鄉里無間言現年五十四歲

李志善妻蔡氏年二十六夫亡遺二子孝親撫孤苦
節己三十五年

王彥秀妻李氏年二十八歲夫故現年七十歲守節
四十二年

郭啟堂妻劉氏年二十四歲夫亡孝事繼姑義方訓
子後長男秉坤入武庠慈訓之力也現年五十一
歲

石雲秀妻楊氏年二十六歲夫亡子幼事親撫孤歷

盡艱辛其後子泉克成立例捐州同家道漸豐雙
孫繞膝皆楊之德也

陰祥泰妻薛氏夫故時氏年二十五歲子女俱幼翁
姑衰老盡孝盡慈織紡度日苦節四十六年

以上自鄭國澤妻李氏至此皆係現存節婦容俟
他日請 旌

古蹟

唐右武衛中郎將董昭塚

在縣東三十五里坑南關村舊志以爲董丞相塚
傳聞之誤也茲得墓道石特更正之按墓誌昭字
夏慶隴西狄道人仕爲右武衛中郎將充太倉使
以天寶五載卒年八十二於天寶六載葬此

鳳凰臺

卽高峯嶺在縣東四十五里伏龍村東南里許北
距項羽城前臨大河脈自中條綿延數十里至此
巍然峙立相傳建廟時有鳳鳴其上因以名臺焉

乾隆五十年歲歉 奏請發賑月銀三千四百一十

八兩零

嘉慶十年秋禾被旱成災 奏請發賑計散穀二千

六百三十五石有奇又用銀二千五百三十餘兩

另設粥廠用穀四千八百三十六石零並奉

旨蠲免地丁銀五千四百一十兩一錢五分一厘

嘉慶二十年九月二十一日奉旨 欽此

旨緩征錢糧

道光十五年庚子歲大饑

芮城縣續志

美

光緒三年十一月二十二日不雨秋無禾斗麥

價值昂貴 六七年荒旱相繼直至五年

春無雨 全省大饑省南尤甚斗米價至

四兩人心惶惶行搶奪居民始則賤售產業繼

則鬻賣妻子草根樹皮掘剝殆盡饑民相噬甚或

殘及骨肉生計窘蹙每有相率投繯赴井以死者

誠千百年未有之奇災也幸 爵撫憲曾 運軍

入

平仰蒙

聖仁蠲錢糧發帑銀撥山東江鄂南米

諭東南各督撫協濟賑銀以資拯救並

命前工部右侍郎閻 稽查賑務百萬哀鴻始有生氣

芮界在南疆受災尤重知縣萬啟鈞目擊時艱憂
惶無地未及請命先放倉穀二千九百餘石至七

月開賑按三廂四都設賑局八處以邑紳王振鐸

王琛均 李生華薛登瀛李玉堂張拱劉翊基楊萬青

張聯鼎陳廉訓張鵬舉孫新慶薛子瑾焦桐劉蔭

榕郭邦彥張萬青李秉哲焦逢春薛天相張懋彬

二十二分司之轉運則專任訓導劉子秀邑紳

楊萬選薛莊焦立登四人而李生華薛登瀛楊萬

芮城縣續志

卷三

祥異

七

青焦桐郭邦彥張萬青亦帮理焉採買賑糧則張

金鑑焦立堂也議定章程造具極次貧清冊預將

賑糧儲局令饑民就近請領糧或不給以錢代之

斷續放至五年四月止計散過穀麥雜糧一萬六

千六百餘石制錢一萬三千七百餘緡所有賑需

則動用倉穀四千五百餘石平陽帖謝運來賑糧

一萬六百餘石賑銀六千兩四川程方伯捐銀二

百五十兩本邑捐輸銀二萬餘兩也又於光緒四

年撥發籽種銀四千兩五年發耕牛馬匹共三百

五十頭減價散賣卽以所收價銀一千九百四十

五兩餘散爲開墾之資六年復發開墾荒地銀三千兩計自遭災來光緒三年 奏請

蠲免上忙未完暨下忙地丁銀二萬七千四百一十四兩八錢六分四厘四年分地丁銀三萬六千七百九十五兩三錢九分四厘五年麥收豐稔各處陸續開征知縣萬啟鈞深悉芮邑困憊情形較甚他邑稟懇免征以紓民困仰蒙 爵撫院會 俯允轉奏復荷

加恩着將五年分地丁銀三萬六千八百七兩四錢一分五厘概予蠲免並將民借常平社義倉穀一律

芮城縣續志

卷三 祥異

三

豁除經委員會勘 奏奉

恩旨永免河灘租穀二百六石九斗一升四合其荒地錢糧無主者自五年起停征四年有主者停征三年州守馬丕瑤復請 奏免六七兩年分下忙地丁暨荒地兩忙計每年免征正銀二萬一千六百九十二兩三錢四分三厘耗銀二千八百一十七兩七錢六分九厘恩疊邀夫格外民幸慶夫更生浩蕩

天恩至三至再皆仰賴我 宮保 欽憲嘉惠元元之至意 道憲 州尊左提右携之宏猷也而辦賑

官紳微勞必錄獎敘倅邀憲德高深詎有涯涘哉
又江浙銖淚圖捐於五年冬浙紳金茗人觀察奉
委助賑來芮散銀一萬四千八百兩有奇例得
附記以彰義舉

光緒五年狼出爲患田鼠傷禾本道州諭令懸賞掩
撲鼠患始息狼患亦寢滅焉 三月雨木冰

五月十一日地震

光緒六年正月二十六日地震

芮城縣續志卷四

藝文上

大唐宣威將軍右武衛中郎將隴西董君墓誌銘
并序

公諱昭字夏慶隴西狄道人也先葉從宦徙居陝西靈寶焉祖德布於方策門風傳乎奕代狐稱良史永彰孝行安于啟於趙祚仲舒光於漢才人物衣冠可畧言矣曾祖穎府君大父操府君列考難府君皆高尚其志淑慎其身韞積藏諸不求善價良弓必復其大後昆公卽府君之元子也傑出高標閒生特達幼而才敏鳳雛有

芮城縣續志

卷四 藝文上

一

五色之姿長而心遐鷹鷂揚萬里之望時屬蠻夷猾夏慮軫九重公則魏絳和戎功多五利有詔特拜慈州司馬朝散大夫充大倉出納使青雲自致朱紱斯皇雖題輿外臺而楚材晉用轉隰州刺史餘并如故位因能進政以清聞尋除秦州司馬充隴右軍器使又陟長史使仍舊應天地之洪鑪鑄劍戟爲農器利有轉宣軍其繫賴時天水地震陵遷爲谷城復於隍公謀去故絳制造新邑不愆於素用追我凶微君則人其魚平時議知政有經矣旣而遣宕州刺史錄有功褒有德也安人阜俗則黃霸徒言名遂功成乃祁奚請老震旒順其至懇解

印返於初服與相國牛公有管鮑之分欽服厥義常以
兄事公公必告善道投膠契於三益莫附權勢挂冠追
於二疏北面辭闕而不留東歸拂衣以遐逝長卿入郡
駟馬生風買臣還鄉錦衣照地公暮齒益辯所至必聞
復徵辟右武衛中郎將仍充太倉使潘岳偉才直於散
騎之省汲黯能政利往海陵之倉公遺愛尙存舊貫未
改在脂膏之地惟德潤身當嫌疑之衝哀多益寡君子
以爲難矣公以道濟時處進知退君命至則不矯抗辭
耄年侵則不苟縻祿復請致仕再懸舊車子惠琳和政
郡別駕遺榮展驥返哺瞻烏令伯陳情叅乎就養寒林
芮城縣續志

卷四 藝文上

二

抽笋正奉於庭闈靜樹驚風忽摧於梁木以天寶五載
九月十八日寢疾薨於鎬京城西甘泉里之私第春秋
八十二崑山之玉與石俱焚龍門之桐梢雲半死朝廷
聞而傷慟者豈勝言哉夫人南陽郡君張氏金鈎表祚
石窳旌賢柔順貞明宴息禪慧蓮華照水豈方清淨之
心薤露晞陽將生極樂之界以開元二十三載二月四
日跌坐歸真於同谷郡之別業春秋七十二開元二十
七載十月十四日歸柩故鄉以形建塔天寶六載二月
十四日以公之喪到自秦會葬於中條之南原禮也前
臨河澣水閱成川却背山陽舟遷去壑龍泉之劍雄雌

始異於飛沉馬鬣之墳佳城竟歸於同穴嗣子惠琬咸
安郡良山縣令次子惠琳等哀苦茹荼痛思吹棘號天
泣血申諭道之無從刻石幽泉庶立言而不朽

銘曰

霸趙開國神降安于炎漢啟士才生仲舒象賢必復一
秩題輿五遷杖節二請懸車高門駟馬照乘雙珠諭道
叅養過庭鯉趨散金正樂埋玉何辜哀哀內則淑德敷
聞鳳凰琴瑟桂郁蘭芬溘然大暮薨我小君一朝同穴
千歲孤墳河山帶礪不朽斯文

劾貪橫宦官疏

明王紀

芮城縣續志

卷四 藝文上

三

題爲奸惡宦官內外合謀貪橫百出荼毒小民謾罵撫
臣法紀陵夷殆盡懇乞

皇上

大奮乾斷特遣官校拏解以彰國法事恭遇福王之國

道經臣屬

臣

數月以來殫精料理一切夫馬供應之屬

旣欲惜民力又欲光大典斟酌損益臣心幾嘔臣力已
竭矣自謂可幸無罪孰意有同惡相濟欺誑藩王貪橫
無忌如樊用李朝雲其人者哉按用輩本一市井無賴
甘心自腐出之蠶室入之紫禁不過掃除之厮役耳一
遇差遣如虎附翼飛而食人蓋其天性然也方其出春
明而南下也妄意一抵天津可大飽其所欲及至而臣

約束頗嚴裁損較多心殊怏怏四月初三日卽移一手本凡宦官下程心紅紙劄門厨快皂魚肉蔬菓之類無所不索臣以爲膳品等項已折二千餘金小民骨髓已竭又安可爲此無名之誅求也臣極力拒之而恨端已萌矣越二日樊用輩面對臣言奉福王令旨除勘合火牌之外另添討廩給三十八分節外生枝誅求無厭臣於衆中冒言排之不少假借未幾又差蒼頭二人持帖來討矯令旨如前臣卽大聲曰此等舉動卽係

聖旨

亦當執奏況屬假捏令旨孰敢奉命持之益堅而其恨遂深入肺腑矣鼠輩橫索少拂深怨積怒虎視眈眈未

芮城縣續志

卷四 藝文上

四

嘗一日忘臣也迨四月初八日薄暮臣繫舟交河泊頭鎮忽聞兩岸哭聲振野赤身泣訴者紛紛詰之乃官宇二百四十六號拽船之羣夫也緣押船內官李朝雲將夫孫莽等每名索錢數十文一不遂意則拶夾木棍竹板合併毒加體無完膚孫莽尤其最傷重者業已緊鎖船頭兩日不給飲食命在須臾矣臣心憐之急差人曉諭釋放不慮竟觸朝雲之怒乘醉大罵直上臣船去而復來當斯時也宦官使酒行兇橫口訾詆幾無天日國家二百餘年紀綱法度一朝掃地盡矣臣以投鼠之忌計無所出馳赴啟王兵部左侍郎魏養蒙錦衣衛指揮

梅國林按臣孫居相深爲驚詫亦相繼啟王謂必鎖拏正法刑餘小醜或少知憚詎期朝雲之狂逞正樊用之嗾使亦羣宦官所擲掄而竊笑者也一聞王拏不勝狐兔之悲羣姦聚首密謀捏情誑王不日墩鎖窮夫飛刑疊加嚇詐金錢也而曰夫少曰相囑曰不知撫臣姓名將朝雲咆哮凌辱之克狀一筆盡抹黑白任意雌黃信口藉叢煬寵弄王於掌股之上以致朝雲得及於寬政臣惟有仰天長吁士大夫人人喪氣而宦官愈揚揚得意矣次日臣等各具本備陳其事王方悟前爲用輩所愚也將朝雲重責三十未行傳示今覽先生每啟本情

由知彼可惡姑念途中故從輕處到府另行重治還着承奉司溫諭先生不必介意特諭知之至晚先遣近侍徐進安慰臣次早復遣徐進引朝雲至臣船認錯臣以非體辭不敢見然而賢王虛懷折節之風臣感激於死矣夫宦官刀鋸之餘人面獸心得其甘言不足喜得其惡言不足怒況朝雲黃口豎子醉夢之言何足深較臣今日所爲嘵嘵請劍者豈不知朝雲爲王之弄臣言之傷王之心哉正惟其爲王之弄臣也敢與樊用輩表裏爲奸一唱百和無所不至下吸窮民之膏血上損賢王之令名而實不知也臣若隱忍不言是愛王不以德而

重有負於 皇王之任使矣臣有死不爲也請盡言
無諱可乎勘得承奉樊用近侍李朝雲輩人道已絕良
心盡死其貪婪狠毒之惡蹟罄竹難書姑舉而大畧言
之闕數以上數十款被害者人人有口過送者處處有
人道府揭帖厯厯有據何物宦豎備憑城之勢肆包天
之膽始猶嚇詐民財也尋且草菅民命矣始猶凌虐百
姓也尋且弔打驛丞矣始猶折辱卑官也尋且飛騎執
旗以辱郡守矣始猶虛聲示威也尋且鎖御史之公差
而大張兇焰矣至於乘醉攘臂直上臣船且號且罵若
顛若狂暴橫無禮極矣可謂有國法乎尤可恨者動輒

芮城縣續志

卷四 藝文上

假捏福王令旨俄而添折夫一千名曰王要折夫錢也
俄而添折馬數百匹曰王要折馬錢也俄而添折船二
十四隻曰王要折船錢也俄而添折膳品二千餘兩曰
王要折膳錢也俄而添折廩糧三十八分曰王要折廩
錢也以分封爲奇貨以金錢爲性命以殺人爲兒戲以
矯令爲尋常不惟目中無福王亦且目中無 皇上
矣萬一此輩得志羣宦轉相效尤養成驕橫難制之性
必且流毒縉紳必且傾危社稷近之振瑾接迹於輦轂
遠之節甫聯袂於宮闈其爲國家之害有非臣子所忍
言者矣嗟嗟此輩勢割而體虧其氣不完其性愈狠百

計攫拏吞噬雖小民肝腦塗地而眉容不少覺眞如縱
十虎豹豺狼於郊原噴目礪齒食人方甘而臣以一身
輕擦其鬚臣之愚也爲民受辱臣實甘之爲國伸法斷
在皇上查得先年禮部侍郎敖文禎曾以剛介被宦官
辱罵蒙我皇上立賜重處天下莫不服皇上之英斷臣
以執法招侮不幸類是而宦官貪橫過之伏願皇上無
分官府大加鈇鉞將樊用李朝雲檻車拏回追究沿途
狼藉賊私仍明正欺王矯令蠹國殃民之罪肆諸市朝
庶祖宗之法可伸貂璫之禍可杜非僅僅爲臣一身惜
體統也臣不自揣力輒忤近倖更望行罷斥以謝宦官

芮城縣續志

卷四 藝文上

七

臣不勝隕越待命之至

諭祭王莊毅公文

崇禎二年九月十五日

祭曰惟卿天資介直學力淵泓操觚而藝絕儒林振朝
而名蜚甲第池州司理口碑載明允之稱蘭署分猷寔
宇洽敦庸之化抗章國本皎然貫日丹誠礪節皇華貞
爾凌霜雅操中州典試桃李成蹊三輔撫循羣梟解而
歸鴻雲集兩淮督運妖寇殄而河伯效靈剪狐假于方
張矢鳳鳴于寡和晉大司徒改大司寇秉正不移伸三
寃戚抑一穢勳頽波獨砥去國身輕似葉昌言望重如
山惟爾夢叶平皋陶既也德符于邁種胡天不憚奪我

典型追撫忠魂良深憫恤仍嘉爾配賢淑相成先爾云
亡并茲賜祭靈其不昧尙克同歆

王莊毅公傳

明史

莊毅公王紀字惟理芮城人萬曆十七年進士授池州
推官入爲祠祭主事歷儀制郎中秉禮持正時望蔚然
二十九年帝將冊立東宮數遷延不絕紀抗疏極論其
冬禮成擢光祿少卿引疾去四十一年自太常少卿擢
右僉都御史巡撫保定諸府連歲水旱紀設法救荒甚
備稅監張粵請征恩詔已蠲諸稅紀再疏力爭粵竟取
中旨行之紀劾粵抗違詔書沮格成命皆不報居四年

芮城縣續志

卷四 藝文上

八

部內大治遷戶部左侍郎總督漕運兼巡撫鳳陽諸府
歲大凶賑救如畿輔光宗立召拜戶部尙書督倉場天
啟二年代黃克纘爲刑部尙書時方會議紅丸事紀偕
侍郎楊東明署議言方從哲知有貴妃不知有君父李
可灼進藥駕崩反慰以恩諭賚之銀幣國典安在不逮
可灼無以服天下不逮崔文昇無以服可灼不削奪從
哲官階祿廕無以洩天地神人之憤議出羣情甚竦主
事徐大化者素無賴日走魏忠賢門構陷善類又顯劾
給事中周朝瑞惠世揚紀憤甚劾大化溺職狀因言大
化誠爲朝廷繫賊則大臣中有交結權璫誅鋤正士如

宋蔡京者何不登彈文而與正人日尋水火其言大臣指大學士沈灌也大化由此罷去而灌及忠賢深憾之御史楊維垣與大化有連且素附灌遂助灌詆紀言紀所劾大臣無主名請令指實紀遂直攻灌言灌與京生不同時而事實相類其結納魏忠賢與京之契合董貫同也乞哀董羽宸與京之懇款陳瓘同也要盟死友邵輔忠孫杰與京之固結吳居厚同也逐顧命元臣劉一燦周嘉謨與安置呂大防蘇軾同也斥逐言官江秉謙熊德陽侯震暘與貶謫安常民任伯雨同也至于賄結婦寺竊弄威權中旨頻傳而上不悟朝柄陰握而下不

知此又京迷國罔上百世合符者客魏聞之怒爲灌泣懇帝前帝謂紀煩言加譙責焉初李維翰熊廷弼王化貞下吏紀皆置之重辟而與都御史大理卿上廷弼化貞爰書微露兩人有可矜狀而言不測特恩非法官所敢輕議有千總杜茂者齎登萊巡撫陶朗先千金行募兵金盡而兵未募不敢歸返薊州僧舍爲邏者所獲詞連佟卜年卜年遼陽人舉進士厯知南皮河間遷夔州同知未行經畧廷弼薦爲萊州監軍僉事邏者撈掠茂言嘗客于卜年河間畧中三月與言謀叛因挾其二僕往通李永芳行邊尙書張鶴鳴以聞鶴鳴故與廷弼有

隙欲藉卜年以甚其罪朝士皆知卜年寃莫敢言及鎮撫既成獄移刑部紀疑之以問諸曹郎員外郎顧大章曰茂既與二僕往來三千里乃拷訊垂斃終不知二僕姓名其誣服何疑卜年雖非間諜終實修養眞族子流三千里可也紀議從之邏者又獲奸細劉一燾忠賢疑劉一燾昆弟欲立誅一燾與卜年因一燾以株連一燾紀皆執不可淮遂劾紀護廷弼緩卜年等獄爲二大罪帝責其陳狀遂斥爲民紀既斥大學士葉向高何宗彥史繼偕論救皆不聽後閹黨羅織善類紀先卒乃免崇禎元年復官贈少保廕一子諡莊毅

芮城縣續志

卷四 藝文上

十

寄鄒南皋啟

王紀

曩小啟二函托南雁奉候起居諒不作石頭浮沉然而暮雨春樹之思比前更爲倍切耳我翁仁文會中聚徒講學剖精抉秘更拈出明明一語以爲宗旨此孔孟正脈也陸子靜以後無此見解或曰此與陽明良知之說似歧而二之不知此正不相妨也明德卽良知明明德卽致良知是一而二二而一者也但云卽德卽止卽知卽明籠侗渾說不幾與朱註少異乎雖然承絕學之緒須是大開眼睛發先賢所未發覺斯人所未覺斯於明道又安論其詞之異同也獨不見孟子與乎孔子平日

只說個知言子與便益之以養浩然之氣似初立門戶
話頭實乃獨探本原闡抉幽秘與聖經相表裏者也微
獨此也如周子之太極圖開口便說無極而太極張子
之正蒙開口便說太和所謂道何嘗傍人口吻而言道
統者必歸之由斯以譚迺知性命之理至易至簡亦至
精至微天地不能自言而言之於聖人前聖人不能盡
發而發之於後聖固詞說之所不能殫而終古之所不
能窮也不然言道如義文孔孟可謂發揮精密無餘矣
萬一百世而下天下又生一義文孔孟安知爻象之外
更無爻象語孟之外更無語孟謂朱註爲千古絕響可

乎何獨於卽德卽止卽知卽明之語而疑之打破舊窠
臼別闢一乾坤我翁已 然具千古隻眼矣雖謂爲朱
子之益友可也弟平生好讀書諸子百家頗多涉獵卽
天竺柱下漆園諸編亦曾寓目豈曰玩物喪志正欲多
識前言往行以蓄其德庶可漸窺周程張朱之脈終或
不至枉過一生也然而強探力索精神獨苦畢竟了無
所得如今捲慮靜坐默默體認天理少倦散步逍遙小
園見花香鳥語莫非良知現前而胸次一旦豁然有鳶
飛魚躍之意遂不覺手舞足蹈而不自知也翁以淑世
覺人爲己任倘以孺子爲可教而諄諄指開我眼贖余

雖不敏不敢不忻然奉爲著蔡矣寥寥尺一寫我求教至情尋常寒溫之語絕口不復道也

刻劉鳳川先生文集序

明任養心

鳳川先生余邑人也自爲諸生時已博學好爲古文辭弱冠舉明經嫻習當世務顧公車數上竟不第選揚州別駕負氣豪宕絕不爲脂韋態遂調平涼先生曰吾豈以轆軻而遠易初志哉蓋挺然不撓視時輩紛華躁競無一當意者居數年自分骯髒不借於世輒拂衣去隱於中條之陽留情翰墨托志烟霞意甚適也前後著作若干卷先生卽世垂三十餘年厥嗣學博子亡手遺文

芮城縣續志

卷四 藝文上

七

一帙屬余曰此予先人存笥稿也不肖力不能梓恐手澤堙滅心甚悲之古人尙友先自其鄉門下獨無意乎余受而讀之詩導性情而用意深婉文述名實而敘事簡嚴殆蔚然一家言也昔韓昌黎謂物不得其平則鳴以先生之才而偃蹇若此其眞有不平者耶太史公文疎宕而氣奇人猶謂其資遊歷而長先生轍跡徧燕趙兩淮三秦之墟諸國俗民風名山大澤皆寓於目而盪於心故以其沉鬱之思寥廓之興寄之詩文以發其憫時憤俗之意何其慷慨激昂如其人哉若夫居官居鄉大節凜凜是又非文辭所能槩矣余嘗慨夫世之躋膺

冒榮未久而泯泯者何限惟著作之士千百世以下猶稱焉先生抱道懷奇厥施未竟僅僅垂空文以自見乃其所不朽者固在此而不在彼也因稍爲銓次捐貲付劄劂氏且綴數語簡端云萬厯庚寅冬十一月

李子攀義墳記

薛一鶚

余邑人李子攀儻直好義薄有資財居城之東關念孤貧及僑寓者物故無葬地卽欲買葬地復無以償乃或棄置若草殯路左右邑居之民最夥而附郭葬地尤難得切憐之乃于城東三里許買地一區計四畝承賦役于其身舍爲墳令無地以葬者葬聞無棺者代爲具時

芮城縣續志

卷四 藝文上

三

偵察之以禁樵牧者埋石四隅防侵毀中立碑曰義墳誌久遠也衆欲記以文謁余余曰宜記此義舉也可以佐王政可以勸淳風可以祛時沴宜記夫古聖人掩骼埋鬻澤及枯骨此得之目見者耳其不能見者良多也豈其心之所忍哉國家子育萬方含靈蠢動植之物悉欲置之得所養孤老以養濟院賑貧以社倉療病以惠民局食死者以漏澤壇天地父母之心至切矣而民或無地以葬則勢之所不能徧及也此舉有以佐國家所不及矣故曰可以佐王政夫民吾同胞凡天下之疲癯殘疾鰥寡孤獨皆吾兄弟之顛連而無告者也世人以

嗜慾迷其真競刀錐之利而相戕相陷擠于溝壑不之恤骨肉中且有然者況于人乎省此可以大同仁之量啟萬物一體之心矣昔子產敘伯有之死者而殯之子皮曰夫子禮於死者況生者乎此之謂也故曰可以勸涓風後周賀蘭祥爲荊州刺史境內旱見發塚露骸者多收葬之卽日澍雨降故大軍之後必有凶年蓋體魄不安則其氣愁怨悲憤或致螟蝗癘疫旱魃之災若生死得所斯靈妥而氣和以和召和天地之和應之矣天人相感之理詎可以爲無哉故曰可以祛時沴茲一舉而有三益焉宜諸君之嘉尙而欲垂之遠也李子輯祠芮城縣續志

卷四 藝文上

十四

宇修齋醮其施財之事甚多不悉記以此爲義舉也特記之

重修文學書院記

國朝 王用明

芮邑東距城五里許舊有文學書院前瞰大河後負條山相傳魏文侯師事子夏授室國中卽此地後之人追崇故事創立祠宇以祀之因名曰文學書院卽昔之講壇也凡其締造有原增修有典表彰有詞罔不著之於石班班可考焉夫由今日以上溯春秋數千餘年矣魯論所載雖卜氏子言行具在而傳經之學所以立法教人者今已概不可考然而風俗之淳樸依然篤實遺意

也人才之振興猶是文學雅化也向非流風餘韻入人者深而傳世者永曷克臻此間考名山大川中高臺巨閣繡圍雕甍古蹟不乏乃未幾而就湮沒者不可勝數徒令人憑弔於荒烟蔓草間而不勝歔歔文學書院以先賢講學之地存其遺址構堂而奠固非有天外連雲地上湧金之傑構也而馨香俎豆數千載相延如昨日非以有關於風化人心者篤且諒哉然則士君子立身制行所以法天下傳後世以致雖沒不朽愈遠而彌彰者固在此而不在彼也余自辛卯冬承乏茲土下車伊始卽擬拜謁先賢祠追尋遺範以志嚮往而案牘鞅掌

不果今歲秋有楊生者經理書院事見其棟宇傾圮漸就荒蕪爰以祀田數十餘畝之蓄積補葺周當工方竣懇記於余乃卜日而往祭焉見其堂宇峻整煥然如新古柏環堵蔚然深秀余心竊喜以爲旣獲登先賢之堂恍如親當年之謦欬而又嘉諸生之克勤克慎果能無負斯任也爰撮其梗概並閱附己意以誌高山之仰乾隆三十八年三月旣望

重修西河書院碑記

李承壇

癸丑秋予蒞芮暫舍西河書院詢厥由來緣先賢卜子夏授教其地以名之自古及今建學立師所以敦崇文

學而既其實者其法良其意美也董子之興學置師以養天下之士明道程子所謂擇師之善者以分教天下之學自藩府迄郡縣拔士之願學民之俊秀者入焉咸優其廩給而蠲其身役夫郡縣之學守令得董其教事而家塾黨庠有所未逮爲民父母欲子弟平民之秀良而無力於學者不悉使麗諸郡縣之學以資其益烏覩所謂既其實哉我

朝文治日隆教澤日廣無大都小邑皆得立書院而上其考成教之通乎古者備矣特慮行之者徒有其迹問書院之屋宇則寥落空存也問肄業之子弟則出入不

芮城縣續志

卷四 藝文上

六

計也他如修脯膏火之類更多缺畧循其名而不核其實亦守土者羞也西河書院創始於前任莫君於今數十餘年矣墻垣剝蝕簷瓦頽隳漸就圯廢前令孟君感慨係之欲謀新而無由歲壬子縣治東曲裏村有無糧灘地近民爭訟不已公毅然曰此書院復新之機也遂庭斷入官計地一千七百畝定租銀七分本年年收租銀一百一十兩擇紳士數人經理修葺又因生童膏火不足卽以歲入地租酌增之行看爲善有資邑人士說禮樂而敦詩書風氣蒸蒸日上蓋有實心自有實效矣予旣治芮之明年邑紳士謁見云孟君囑修書院計短

數百金求子協力以藏厥事子曰孟君已雅意作人於前予敢不落成於後爰捐廉俸扶其傾欹正其頽謝加以丹雘暨塗不日告竣紳士乞予文誌之且述孟君之言曰充入灘地本爲書院補修膏火之費但地濱河流其久暫原無定局故未敢舉以上聞不過一時事所得爲者力爲之以旣其實焉爾噫嘻是蓋與余有同心矣抑又聞之魏俗素樸士尙行儉猶守先賢篤實之遺教考昔三至五起之論其載在記傳者若何經濟則以知今日之更新而尤足信夫講學之士之大可以有爲也是爲記乾隆六十年五月日

重修城隍廟碑記

林芬

蓋聞三王異世不相襲禮祭祀之禮歷代制各不同國朝之制州縣所祀者壇有四廟有五顧四壇每歲祭祀各有其時而五廟則春秋兩祭外每月朔望守令必躬詣行香以時修葺斯固守土者之責也余蒞芮十五年諸壇廟咸經修理獨城隍廟去重修時頗遠殿寢廊廡類多頽廢不足以崇享祀而肅觀瞻心竊憂之欲興修而力絀不能獨肩其任然寢食未嘗忘也戊子五月南關士民呈請興修推樂善之心思與梓里同之余喜其實獲我心因捐廉俸爲邑人倡飭三廂四都鄉約

令勸遐邇好善者量力輸貲不數月而得金若干亦足以見人之好善有同心矣於是庀村鳩工由神像殿寢廊廡以至香亭獻殿樂樓山門照牆無不煥然而新至己丑七月功竣以今視昔豈猶不足以肅觀瞻而崇享祀耶伏念余於嘉慶甲戌春二月蒞芮彼時緣癸酉歲荒歉雨澤愆期而麥根又未安穩人心惶惶余甫履任憂慮不知所措中夜起立默禱於神旋得大雪繼以膏雨應時麥遂豐收民食因賴以濟且余每遇春秋祭祀朔望行香必誠必信而於城隍神前尤加敬畏凡百姓之疾苦年歲之豐歉雨暘之調否見則必告告則

芮城縣續志

卷四 藝文上

六

必悚惶懇切如神臨之在上者誠以德薄才淺民社任重而城隍神幽贊造化實與守土之官分治斯民者也庶幾仰承默佑使歲豐民樂老幼恬熙守土者得以寡過皆神之惠朝夕自盟此心十五年如一日而果無歲不收民無餒者非神力默爲佑庇曷克臻此飲水思源固宜答報今茲之役未可以云報然而余與士民之心俱妥矣夫人妥矣而謂神弗妥乎雖然作善降祥不善降殃其理昭然不爽神好佑庇要不佑庇不善之人也願吾民推斯役作善之心達之於父子兄弟朋友族黨之間使之無事不善焉有不獲福者

而如其不孝不弟不睦不和甚至奸邪克險傾人則已明有王法幽有鬼神縱使在世鑄張爲幻能逃三尺試看兩廊地獄爲何人設耶可不惕然猛省去不善以歸於善耶余今已引疾將去芮然與芮之人不能忍然也夫人相處久則不忍離人之情也余蒞芮不爲不久矣能無一言爲我芮人告乎 神福善者也以善自勉神其福之道光九年己丑桂月日

增修關帝廟碑記

毛鳳儀

昔孟子論浩然之氣曰至大至剛以直養而無害則塞於天地之間文文山正氣歌曰是氣所磅礴凜烈萬古

芮城縣續志

卷四 藝文上

克

存從來宇內完人其神不與形而俱盡者皆此氣眞積於中推而至於顛沛存亡之際倉卒嫌微之間一念精誠無不貫金石而昭日月伏惟 帝君浩然正氣常存於宇宙洵所謂上下與天地同流矣 帝生於漢末值衰亂扶正統生平大節英風炳燐史冊論者稱其忠義而未嘗推原其所本竊意當時豪傑英雄挾其才力智術以爭雄一世者蜂起林立由今思之無論功名利祿者流雪消冰釋泯其跡於荒烟蔓草中而不可知卽效命疆場身殲帷幄之士亦各視其境之所歷澤之所被而後祀典從之而 帝獨往來於數千百年間上自 朝

廷名公卿下及村野愚夫婦近而僻壤窮鄉遠而要荒
侯甸莫不奉俎豆而薦馨香非浩然正氣實有以貫注
於億萬人之心也哉然則其所本者從可識矣芮屬解
梁爲 帝梓里邑人之奉祀尤虔城內東北隅有廟創
自元至正年間嗣後修建屢屢歲時罔懈道光庚寅秋
首事人謀重修之邑紳薛積成薛洪先慨然出數千金
又勸募城鄉得金若干閱二十一月而工畢規模宏厥
廟貌尊嚴棲神斯稱愈以見 帝之感人者千萬年如
一日也廟在中條之陽遙望山勢巍巍俯黃流而駕大
行其磅礴鬱結之氣終古不易而光景常新自足與天
日

書院興修碑記

符壯圖

芮邑西河書院之設由來舊矣其間屢興屢廢則未能
經畫久遠故無實而僅有其名故己亥山左王福巖前
尹來蒞茲土雅意培才毅然以興復爲己任得黃春圃
少尉於中贊襄招邑紳郭順命薛銘盤薛洪先始終經
理同力督修越三月堂室聿新卽延主講爲多士楷模
文風爲之一振第核其經費歲入僅田租一畝尙不足

三百金膏火關如殊阻寒士進取之志仍非所以廣
育勵人才也復邀邑人爲集腋之謀乃事未就緒移任
深川庚子夏余承乏於斯聞風起慕亟思所以踵成之
爰於辛丑春仲與黃少尉並郭順命則前之經理人也
薛銘盤薛洪先則前之經理而今之監院人也又邀學
宮王耀辰王夢元李光斗王廷照張黃裳爲首事統議
多招紳士面勸捐輸余首出俸百金爲之倡各紳士亦
慷慨解囊共得一千二百餘金不勝喜悅又囑經理及
監院首事諸人廣爲勸導不數月續得一千六百餘金
前後綜計得金二千八百兩有奇除添蓋房屋補置器
芮城縣續志

卷四 藝文上

三

具與一切雜費外以二千四百兩發閭邑典肆按月七
釐生息終歲可得二百金益以舊有田租畧近五百之
數迺立膏火並卽原定獎賞酌量加豐以深鼓勵之恩
而肄業多士果能互相觀摩無負前尹灘憲壬寅科試
食廩餼者一人遊黌序者凡六人焉從茲以往有興無
廢其有望於後來繼持之者豈淺鮮哉至於書院章程
另碑刊列其捐輸各姓名鑄之碑陰以期不沒人善云
道光癸卯十一月日

重修文廟碑記

何玉端

文廟之設自漢唐以及元明至於今弗替芮雖僻處山

陬立廟以薦馨香與通都大邑無異廟舊在縣治東
隅金天會八年朱洗馬移建今所明正統時知縣孟濟
廓而大之至我

朝屢經修葺俱有碑記可考但歷年久遠梁棟剝落墻
垣頽甚非尊崇先師意也余以道光丁未承乏茲

邑甫下車卽行謁廟觀靡牘之狀未嘗不心焉憫之奈
年不順成比戶空乏雖欲修葺與舉殊難竊有志而未
逮至咸豐壬子豐年則告屢矣民則已阜矣仲春行
釋奠禮廣文茹君麗植與余商議修理慨允捐俸銀四
十兩以爲倡余欣然曰此其時矣爰舉首事者經理之

芮城縣續志

卷四 藝文上

三

又諭捐輸者襄助之共得二千餘金廼鳩工庀材擇日
興功大成殿兩廡皆重修焉翻建戟門砌以磚墻名宦
鄉賢忠孝諸祠昔皆南向堪輿家以非朝拱遂移置東
西向且爲建一官廳櫺星門泮沼亦補修之又創建黌
門制度始備照墻比前高廣牌坊對峙東義路西禮門
繚垣周遭下磚上瓦文昌祠崇聖祠一併修之敬一亭
明倫堂學署齋房亦整理焉余以癸丑攝篆介休不克
親見其成抱憾良多歲甲寅因公復至首事諸人來謁
曰文廟之修公爲經始今將落成勒貞珉以示久遠請
誌以文余不獲辭遂縷述其巔末而爲之記咸豐六年

丙辰三月日

西河書續置房地碑記

丁樹勳

記有之君子如欲化民成俗其必由學郡縣書院之設
上體

國家興賢之意下爲閭閻育材之方端本善則甚盛舉
也芮本古魏地先賢卜子設教於此魏文侯以禮師
之當時若段干木田子房輩相與切磋砥礪以崇其德
蓋彬彬乎文學之盛軌也後之人景行前徽創立書院
特取西河以爲名亦謂仰止高山取則不遠因流溯源
庶可知所嚮往爾然而儒有君子亦有小人旌淑別慝

芮城縣續志

卷四 藝文上

三三

辨之宜早儻使蘭艾不殊玉石相混毋亦適越而北其
轅乎夫十室之邑必有忠信山川毓秀何地無才裁成
化導在乎樹之的而早端其趨故考課之有獎賞非示
之以利也所以覈真僞考德業務使篤信謹守景前徽
以共勉爲君子之歸蓋先欲覘其器識而文藝其後焉
者也聞書院膏火獎賞之需舊本敷用嗣因典肆多歇
業遂致支絀歲癸丑前尹何君准齋長薛于瑛等稟請
將從前發商生息銀置買田房收租息爲修理獎賞之
費其所以謀久遠者意甚善丁巳歲余蒞茲土齋長王
治泰等呈契立案並請添首事王夢奎薛洪先張學傳

張黃裳經理其事以期有舉莫廢並乞余言以勒石余復何言哉余念諸生幸居文學之邦獲親賢師友之訓尤宜經明行修學優而仕其無負西河氏遺教與聖朝作人之雅化而移風易俗之道卽基諸此可不勉與咸豐八年歲次戊午仲秋之吉房地畝數載碑陰

修芮城縣志序

丁樹勳

古者太史陳詩以觀民風今薄海一家凡郡邑所以紀故實昭來茲足備輶軒之採者志是己昔蕭何入關中先收圖籍晦翁至南康卽求志書非以志之所繫綦重哉余以丁巳夏奉

芮城縣續志

卷四 藝文上

三十四

命宰芮芮雖蕞爾邑然登條山之巔俯瞰黃河見諸峰雄峙

巨浪奔流枕山帶河洵全晉之屏藩也且民俗近古虞夏之遺風猶存瞻閭田望魏城段干有廬睢陽有墓都人士果能景仰前徽何患不聞風而興起嘗於公餘展志書閱之始纂自前明嘉靖時別駕劉君繼修於隆慶癸酉鳳翔李尹與僉憲薛君再修於國朝康熙壬子淄川畢尹迨乾隆癸未廣川莫尹莅芮承州守言公命修邑志考覈精當編次更井井有條但迄今又幾及百年矣其間如歷任文武職官邑中科甲歲薦仕宦封廕及藝文之有關係者今尙難悉其詳至若孝義節烈

足以扶世教而挽風化屬在編戶無力請旌者更多湮沒不彰倘遲之又久後卽有心殷補輯者文獻無徵不徒深浩歎耶爰不揣固陋力搜各房舊卷移查翼案旁稽碑文廣詢輿論仍原志所載於篇首而以近事續入之不敢妄有所更易紀實也用捐廉俸刊刻成書繼自今官斯邑者得以按籍而考政生斯士者得以尙論而景行將見吏治由今以追古民心革薄而從忠於以黼黻

皇猷

昭一道同風之盛軌則是書非采風者所樂得而觀之

哉余以志切歸養竊願目擊告成未免有不備不醕之芮城縣續志

卷四 藝文上

三五

憾尙冀後之君子曲鑒私衷更正之續增之悉臻完善以爲異世考鏡之資是尤余之所厚幸也夫

重修風伯雨師廟記

賀寅炳

國家定制風雲雷雨之神各邑皆有專壇歲時享祀維謹事關生民鉅典也而芮於古魏城之東數十步外復立風雨廟每歲仲春二日邑大夫必潔誠致祭於廟爲民祈澤神亦頗著靈驗夫箕爲風伯畢爲雨師歲之豐歉於是乎在象而祀之固其宜矣第芮有是廟而他邑或不概見舊誌載自有斯廟以來二千餘年蓋昔之賢侯所立以禱水旱者傳曰有其舉之莫敢廢也故相

沿至今而爲典其說蓋不爲無因矣余嘗登覽其境見其地勢高曠四望可用遠近居民墟落樹木葱鬱烟靄蒼茫環而繞之如星拱辰洵棲神之福地也而實隸

澗西柴村中莊

三村之中則三村之隨時葺理斯廟也固宜溯自

嘉慶庚午重修後幾五十年廟貌漸就荒頽而村眾弛易鬪差訖無成議語曰民不和神不享神所憑依將在民矣如是而求神之降鑒不可得也今歲春柴村州同宋之儒澗西中莊某某等糾合村眾同心協力督興斯役並定爲永世和睦無廢神祀之規凡五越月會方憂旱三村耆老虔誠致禱於神卜所以取雨者兆曰

芮城縣續志

卷四 藝文上

三

老泉古老泉水深而多魚蝦於是執香率眾詣泉取水歸方立壇濃雲四起及夜甘霖沛降溝澮皆盈比曉視之么蝦葉魚漂浮無數村眾皆詫爲異不知不如是不足以顯神之奇靈而徵其水升於老泉則信乎民和而神降之福也廟工亦適於時而告竣村人求記其事並述其感應之奇如是因次其巔末俾後之人永遵成憲以無墮古賢侯之勝蹟而並善和睦鄉鄰之俗則神之惠澤邑人當更無涯涘也是爲記咸豐八年孟冬月日

學諭示書院諸生

賀寅炳

及門某子某子等既以博士弟子報 邑侯謹選吉日
將率謁先師行舍菜禮入庠矣親好皆置酒爲賀諸子
衣裳楚楚虹氣渥顏相與酬酢爲歡飛觥往來興猶未
暢賀子曰僕實不喜飲然竊有所聞可解頤忘醉請述
之以爲諸君勸可乎眾皆曰唯唯願在下風賀子曰僕
顛軀之鄙人也其鄉率農家者流何所聞然農之中有
兩人焉其一人家置木囷一以吾鄉斗二十八筒計之
囷可容五百石每歲計畝所入或虧三五分二三分不
等而恆不足實其囷主人於是愀然色鬱自咎其穡之
不力也順天之時盡地之利早作暮息督率子弟畢其
力而無敢懈出門見糞土視若珍寶時或着新衣仍兩
手掬撥入襟中不爲穢蓋欲然者嘗見其囷之未實也
不知其衣之新也其一人家置大荆筐一充之可容五
斗有餘每歲計畝所入筐恆不能勝於是爲甌爲甗爲
罌爲瓠極而至於盎缶槃盂皆粟所充溢而家無虛器
焉主人則神飛色舞侈然自多其穡之獨善或有貧乏
不給乞貸監河者彼則揚揚然曰人生食能有幾何嘗
苦不足若此新穀一登袖手優游傲然自足諸君請參
此兩人將以困未實者爲足乎以筐不勝者爲足乎以
自謂不足者爲力穡乎以自謂足者爲力穡乎諸子方

靜聽沉思未有以對一客曰困未實者爲足筐何足也
二客曰筐不勝者爲足困固不足也賀子未及與辨一
客則穆然思蹙然縮頸而咋舌曰嘻我知之矣先生詭
言之是所謂器大者常虛而器小者易盈也夫爲學之
道何以異是賀子曰請卽以此酬諸子酒

文學賓與序

雲茂濟

芮邑古魏地背山面河距晉垣最遠民情褊嗇有古遺
風邑治之東偏則卜子夏授詩處也近世以來士人以
讀書起家者蓋鮮余下車伊始延見諸父老訪問鄉閭
風俗其民類多務農力作工賈次之士更次之及考閱

芮城縣續志

卷四 藝文上

三

月課士之負質瓌異能自拔於流俗者固不乏人又何
志趣之卑而發跡者不數觀歟詢悉所由皆以寒氊坐
困艱於資斧爲言以故童試僅三百人甫掇一芹則以
距省窳遠輒自驚於館穀而無漸進志矣卽幸鄉闈報
捷而公車又艱北上抱瑾握瑜之士亦擣舌裹足而莫
可如何豈其民俗儉嗇之過而不知相賙恤歟抑何文
教之不興也余欲於三年大比中與其賢者能者而欣
助之而苦於力有未逮自捐三百緡爲之勸邑之急公
慕義者皆能力踵其後乃延薛君天相王君振鐸專司
其事五閱月而告成總計白金三千兩發商生息凡川

塗之費獎勵之資皆於是乎賴顏曰文學從卜子之教也夫難變者習也難遇者時也始余之初是議旁觀者皆有難色謂其將囿於習也而顧聞颯響應大挽夫福嗇之遺豈非丕變者機耶士之生茲土者吾知必乘時而起彬彬濟濟以導揚夫文明之盛將卜子之教復振於今茲安見習俗之能移人哉後之君子其遵守而增長之俾有志之士專意進修而無傷遠適其毋視爲利藪焉是則余 初始之苦心也夫同治十有二年癸酉仲冬日

重修紫清觀碑記

萬啟鈞

芮城縣續志

卷四 藝文上

三

芮西關之北偏有紫清觀焉稽邑乘爲有唐侯真人降生飛仙臺之故址創自大宋政和五年厯元明至國朝關之人歲時享祀蓋以結粉榆之社託神靈之庇佑者非伊朝夕矣乃緣代遠年湮遂致棟傾垣裂瑤房玉宇將長莓苔紫館金臺半摧風雨諸神之靈爽莫憑廟貌之觀瞻焉肅司事者公議修葺苦力綿功浩售廟柏一株有不剪則募貲以足之余乃捐廉而爲之倡凡好善有同心者亦樂施無吝色焉於是集腋成裘鳩工庀材自 玉皇 三清 三官 真武 關聖 土神以及 五瘟將軍 龍虎二神各神祠無不次第舉修起

甲戌之秋訖乙亥之冬向之殿宇傾圮者時則頽壁鱗
次梁棟翬飛矣向之畫彩污穢者時則柱石雲橫門軒
霞蔚矣工旣竣司事者問序於余余因諸人之勤勤懇
懇襄此盛舉并冀神之惠我無疆也爰樂爲之序

重建文公土地廟碑記

萬啟鈞

攷之誌縣北二里古魏城南相傳有魏文侯琵琶亭故
址村人因之建

土地神廟於此爲歲時賽祭之所所以祈逢年而托庇佑
者恆於神利賴焉歷年滋久殿宇隳壞非民所以尊神
也有司事等集眾議修擬以廟內柏樹售爲興作貲有

芮城縣續志

卷四 藝文上

三

不勇再募化以足之於是鳩工庀材築土成基構木爲
廈不日楹排雕楚梁亘修虹蕙宇堅完丹青炳耀眾觀
壯觀莫不嘆嘉是役也始於同治八年七月而訖於光
緒五年十月總其所費之金越若干數記曰有其舉之
莫敢廢也此之謂哉工旣竣邑人來乞余文余不敏勉
爲之記使鑄於石焉

重修鄩侯祠記

萬啟鈞

光緒六年歲在庚辰春有以謀新鄩侯祠請者余進而
謂之曰善哉舉也若謀新之若亦知祠而祀之之意乎
夫郡縣必祀鄩侯說者以其起自刀筆吏定法律爲萬

世準祀之以報其功固也而猶非探源之論也蓋上世
民情渾噩雀角無爭自機械多而後訟獄興訟獄興而
後科條設聖人於此亦藉以維持人心耳一則曰維克
明允再則曰刑期無刑非甚有大不得已者乎鄧侯承
無道秦之後佐漢高宗苛法次律令九章以治天下平
陽侯入相一主清靜無爲之旨其於古聖微意殆深有
契焉者矣登其祠者其能德道禮齊而政刑不事奉公
守法而鍛鍊無聞乃不失作律之心而有當立廟之意
非然者雖蘋藻將誠神且不歆其祀矣而顧曰鑄金範
士隆廟貌以崇享祀已哉僉曰唯唯於是捐俸倡始夏
芮城縣續志

卷四 藝文上

三

集衆資飭工庀材以襄厥事采棟桷櫨楹礎之殘缺者
易之丹雘髹漆之漫漶者新之閱兩月而工訖將勅
以紀其事也爰引伸前說而爲之記

藝文下

望方山

選勝徵前牒方山蹟著奇湖搖千壁動雲欲萬峯移高
嶺平如掌洪流注似卮百梯誰獨住五老自相隨倚杖
天何近尋源路轉疑孤懷勞極目爽氣對支頤石鼓鳴
深洞鶯漿灌紫芝郵驂行倦矣林鶴怨婁其瑤草非難
拾桃谿會有時芙蓉秋露好合與地靈期

余於署後榛莽中得前明蒲守張峽山詩碣乃嘉
靖甲子邑宰黎陽錢公名萬選者所刻至我

朝康熙丁酉吳興錢公萬選來宰斯邑於瓦礫間得

芮城縣續志

卷四 藝文下

三

之見名姓與已皆同跋而位置焉迄今道光辛巳
余又見其棄於地矣風雨剝蝕字跡幾不可辨認
余以殊塗而讀之喜其事閱兩朝二公姓氏官階
無不適相符合遂移置西園壁上並誌以詩

國朝
林芬

片石荒榛裏摩挲老眼驚斯人得斯碣同姓復同名異
代遭逢巧奇緣感慨生鐫詩亦常事造物太多情
一百又五載遙遙珍惜之塗殊文可讀剔蘚石堪移四
壁忽生色兩公安得知後來人似我定和草堂詩

神槐歌 井跋

林芬

神槐不朽疑有神秦耶漢耶無可名但見枝柯蟠鬱獨
奇古不知生自何代栽何人頂禿腹空根怒橫蒼皮溜
雨莓苔青有時高垂清蔭換嫩綠老態不讓桃柳新晨
昏屢閱飽風露盛夏無暑秋有聲冰霜嚴凝節益固晉
公至德開後昆婆娑當日嗟仲文誰知此樹能長生或
是靈星精天遣下視來訟庭白鶴神所使青鸞神所乘
或是中條山靈靈氣之所結或是河伯呵護九曲黃河
濱勿剪勿伐非無因不然何以矯矯特立千萬春芮州
官舍多嘉樹中竟無能與比倫堂前老槐兩階列視之
藐小如兒孫材大難用全其真斯理微妙誰具陳我作
芮城縣續志

卷四 藝文下

三

歌兮神來聽穆穆清風吹縣門

縣署堂西有神槐誌書繪之其由來不可考名之
曰神亦不知何由而神之矣署中老槐最多而此
槐古茂奇崛與他槐異古人聽訟槐下余對之十
有二年清陰垂蔭儼然如神在左右也盤桓既久
不可無詩因作歌書於石適聞禽聲上下語於綠
雲深處神其和我耶

道光丙午秋旱祈雨步禱口占

藍辰

我來中條南路旁多枯草停輿問田夫云因秋炎燠雨
澤會愆期亢陽傷禾稻聽之惻然驚下車卽祈禱祈禱

渺不應無計遣煩惱空懷早爨憂每飯不能飽復作祈
雨文德浴兼身澡我心如快焚乞憐於蒼昊一牒城隍
神再叩老龍島親詣龍泉取水城隍理幽明斯民之障保老龍
豈長眠坐視青苗槁率屬昕夕祈哀求詞顛倒非慮倉
儲虧非要民譽好但期大有秋農田無旱澇民以食爲
天穀爲民之寶食足免鴻嗷年豐人壽考古人念民瘼
痼癩如襁褓我持瓣香求未敢忘古道神祇如有靈滂
沱幸及早

朱呂村節婦薛李氏詩

林芬

皇清主聖民日新九州四海風化溥條南小邑古河北

芮城縣續志

卷四 藝文下

三

婦女亦知敦大倫我來宰斯邑偶過恭水濱士揖我馬
前殷勤爲我陳薛家有李氏一生節孝真閭里爭說稱
完人而今苦守逾八旬其夫十九遽淹逝彼時婦年二
十有二春夫無子婦可死地下相從色應喜婦母死有
遺腹地下相從鬼應哭忍死須臾姑待之甫越五月生
一兒生兒轉慮失宗支能否成立未可知以母兼父嚴
復慈玉節金堅度歲時歲復一歲無時畢不覺兒年已
六十回思苦節心暗悲那知看兒白髮有今日天喜婦
節與婦壽兒愛春暉永春晝

詩有脫遺

喜雨散步

楊春芳

幾日陰濃雨不成
昨宵既雨喜閒行
斷雲歸岫山山活
放眼看花處處明
林樾頻聽鳩鳥嘯
田園纔息桔槔聲
錦囊收得蒼烟滿
牧笛樵歌共太平

丁巳七月朔卜子講壇

丁樹勳

勝地遊常少先賢澤孔長
俗猶崇俎豆

俗以是日祀神道本式

君王古柏連雲密
空齋望雨涼
願言資灑掃
瞻拜獨徬徨

段干木祠

西山有高人清風師百世
世情日以汙誰能爲其嗣
卓哉段干賢踰垣崇素志
豈不云己甚守道固如是
高臥

芮城縣續志

卷四 藝文下

三五

却強秦功名竟誰似

禹蹟

丁樹勳

浩浩黃流接太空
成平萬古慶攸同
界分秦晉重關奠
疏並江淮九派通
四載寅承欽帝命
八年辛苦緬神功
禹門遺跡今猶在
陌底莘莘廟祀隆

城中望條山

用過條山有感韻

賀寅炳

浮空秀色望難攀
聳聳堆螺一帶環
爽氣當門秋在闥
嵐光繞郭翠盈關
青龍霧鎖沈幽洞
甘棗支分接遠山
更向城頭烘曉照
倦飛時有鳥知還

秋日登樓望河

和原韻

楊春芳

黃河如帶望迢迢人倚瓊樓秋正驕氣薄龍門吞二華
煙涵雁磧控中條陽侯効順風平浪魏國遺封險界潮
此日憑欄添逸興 太平清晏四時調

過條山有感 奉和原韻

王夢奎

天生險境許登攀螺髻重重積翠環官有餘閒風並采
謂捐廉修志 民多望歲雨相關 天旱屢設壇祈禱 三休亭豈甘

表揚潛德 休地五老峯成不老山那似神仙爲吏隱雙鳧飛度往
仍還

修志德惠歌

楊文

茗上丁君芮明府清如玉壺泊有譜皮裏秋陽照妍媸

芮城縣續志

卷四 藝文下

三六

曹倉人物論今古條山之麓涇水濱惟君賦我若飲醕
政教及民威克愛激揚有典化還淳時與良朋討經史
旁搜舊聞詢士子手披事蹟百餘年壽諸棗梨繼前美
採風問俗悉下情雅意未有如君誠孝節貞良公共事
紀載何可不明君家先德人欽羨直道今又於君見
褒詞擬錫華袞榮仙吏爲開瑯環院君此舉兮感恩多
爭光史冊不消磨琴堂餘興懷抱朗閒來應聽德惠歌

遊清涼寺

陰潤

寺憶初生處人憐再度時老僧零落盡古樹斧斤遺山
色滴空翠泉聲咽晚曦登臨多慨嘆溪口白雲垂

宿清涼寺

陰潤

懸鐘山寺宿到此每從容想像舊時路寂寥夜半鐘青
猿騰絕巘白鶴隱深松僧定月初落雲封知幾重

望條山

萬啟鈞

太行之支河之滸中條山色絕今古表聖高踪不可尋
谷口空餘烟縷縷山光頃刻幻陰晴山勢蜿蜒自仰俯
險徑歛仄少人攀淺碧濃青遙可數我欲振衣造峯巔
四望空明萬物覩天風浩蕩滌胸襟爽氣悠然撲眉宇
更願鼓盪結層雲出爲蒼生作霖雨

丁丑秋未赴鄉勘災輿中作

萬啟鈞

芮城縣續志

卷四 藝文下

三

茫茫宦海夢如烟涸水權符已四年民命不堪偏遇我
神功屢乞莫回天拯災計拙輸籌策濟世才疎愧俸錢
庚癸遙呼聲徹耳幾回搔首意悽然

其二

萬啟鈞

鳩形鵠面悵紛羅對此淒淒發浩歌懸特在庭民尙爾
嗷鴻遍野政如何流亡莫救瘡痍苦夢寐還添血淚多
眷念蒼生意悽惻敢忘心事付蹉跎

登九龍山

萬于瑛

我上九龍嶺矯健脚力驕幽崖射春旭天風迎面飄屣
齒不惜折但願凌紫霄行行陟絕巘神曠景廓寥俯視

見大河彷彿浮艘舳萬井散烟點千峯矢宕窵蒼蒼數
株柏雲端挺孤標上有青翎鳥啞啞如見招獲此奇特
觀胡不酌瓊瑤一醉碧天府永滌人世翬

九日遊壽聖寺

薛于瑛

重陽西風裏携伴出西城紅葉半飄脫農事急晚耕迤
邐東北驚古寺鐵馬鳴草草具酒果斜陽列坐晴棟宇
多頽塌久雨墻圯傾不嫌禪林廢所憂烽燧驚廟堂自
遠略惆悵我書生尙喜歲事稔閭里緩呼庚榛苓望西
方慘愴難爲情何當猖獗洗萬里歌太平

涇渡野望

楊友時

芮城縣續志

卷四 藝文下

三六

滾滾水東流斜陽晚渡頭世情原逐浪天地此浮漚岸
遠遲青雀沙深引白鷗嚴灘千古後幾箇着羊裘

夜度恭水

楊友時

行行遊子路詩思渺無窮犬吠深村裏蛙鳴古澗中伊
誰能采菽獨我又飄蓬萬里男兒志鴻毛遇順風

虞芮間田

質成虞芮幾千年往事遐思倍惘然雀鼠風清今樂國
睢麟化洽古間田儘教隙地供羊牧一任殘畦付鶴眠
路畔遺踪猶在否斜陽人立憶先賢

續志捐輸花名

劉正身

捐銀壹百伍拾兩

楊樹垣

捐銀壹百伍拾兩

張立基

捐銀壹百貳拾兩

張吉慶

捐銀壹百兩

王俊傑

捐銀柒拾兩

劉兆成

捐銀伍拾兩

王代元

捐銀肆拾兩

景仁

捐銀叁拾兩

鴻吉典

捐銀貳拾柒兩伍錢

芮城縣續志

捐輸

平九

韓向德

捐銀貳拾兩

